

摘藻堂四庫全書薈要

經部

欽定四庫全書薈要

經部

周禮注疏卷三十

詳校官原任侍講王業綸



欽定四庫全書薈要卷一千八百八十三

經部

周禮注疏卷三十

漢鄭氏注 唐陸德明音義 賈公彥疏

**司馬**之職掌注此下字脫減札爛文闕漢興求之不  
**得**遂無識其數者疏注釋曰鄭知脫減札爛文闕者見天官小宰地官小司徒春官小宗

伯之等職掌下其文多矣凡小祭祀之言皆是於下總  
結以此知此下脫減札爛文闕也言脫減者直據職掌  
下一經脫減札爛文闕者以其下經簡札為韋編折爛  
闕落知漢興求之不得者此闕與冬官所亡同日皆為  
遭暴秦燔滅典籍漢興購求遺書不得也云遂無凡小  
識其數者以其無文遂無記識職掌以下之數耳

祭祀會同饗射師田喪紀掌其事如大司馬之灋疏

釋曰

云小祭祀已下至喪紀皆蒙此小字對大司馬大祭祀之等大司馬之小會同謂諸侯使卿大夫來聘王使卿大夫與之會同言饗射師田皆是諸侯卿大夫來聘王還使卿大夫與饗燕及射師田之等也小喪紀者三夫人已下云掌事如大司馬之灋亦如大司馬羞魚牲授其祭之等也

軍司馬

闕

輿司馬

闕

行司馬

闕

疏

釋曰軍司馬當宰夫肆師之等皆下大夫四人輿司馬當上士八人行司馬當中士

十六人餘官皆無異稱此獨有之者以軍事是重故特生別名此等皆與上同闕落之

司勳掌六鄉賞地之灋以等其功注賞地賞田也在遠

郊之內屬六鄉焉等猶差也以功大小為差疏

注釋曰知賞地

是賞田在遠郊之內者以載師職云牛田實田任遠郊之地故知也知屬六鄉者以其遠郊內置六鄉故也云以功大小為差者以下文云輕重視功則賞地大小不定故知以功大小為差

王功曰勳注輔

成王業若周公疏

注釋曰知據王業者以其言王繼王身而言明據王之位業而說耳以周

公攝政相幼君致太平還政成王是輔成王業之事故以周公託之但經之所云不得專為周公伊尹之等故皆云若比擬之耳

國功曰功注保全國家若伊尹疏

注釋曰鄭知保全國

家者以其言國繼國而言故知是保全國家者也以伊尹比之者以湯時天下太平湯崩孫太甲即位不明政

事伊尹為數篇書以諫之諫既不入乃放之相宮  
三年思庸復歸於亳國家得全故以伊尹擬之耳  
**民功**

**曰庸注灋施於民若后稷疏**

注釋曰知法施於民者以其言民繼民言之先王之

業以農為本以后稷比之者周之先祖棄為堯之稷官  
農人植嘉穀天下為烈豈一手一足哉庸亦功也以法

施於民有功故以后稷擬之

**事功曰勞注以勞定國若禹疏**

注釋曰知以勞

定國者以其言勞據勤勞施國而言堯遭洪水下民昏  
墊國家不定命禹治之手足胼胝三過門不入粥成五  
服國乃獲安故

**治功曰力注制灋成治若咎繇音義**

直治

以禹擬之也  
吏反注同咎

**疏**注釋曰以其言治言力故知制灋成治  
音羔繇音遙出其謀力按虞書帝謂咎繇云蠻夷猾

夏寇賊姦宄汝作士五刑有服是咎繇  
制其刑灋國家治理故以咎繇擬之

**戰功曰多注尅**

敵出奇若韓信陳平司馬法曰上多前虜疏

注釋曰知多是尅敵

出奇者以其言多是於衆之中比較多少之事故知是尅敵出奇比彼為多者也漢之二將是尅敵出奇之人故以擬之耳云司馬法曰上多前虜者彼亦是戰以功多為上居於陳前虜獲俘囚故引以證多為戰功者也此上六者皆對文為義若散文則通是以春秋左氏云舍爵策勳彼戰還而飲至不云舍爵策多是通也明堂位云周公為有勳勞於天下是周公德大有勳兼勞者也

凡有功者銘書於王之

常祭於大烝司勳詔之注銘之言名也生則書於王旌

以識其人與其功也死則於烝先王祭之詔謂告其神以辭也盤庚告其卿大夫曰茲予大享於先王爾祖其

從與享之是也今漢祭功臣於廟庭音義

識音志盤步干反與音預

疏釋曰凡有功謂上六者故云凡以該之使司勳詔之

書之又以辭使春官告神注釋曰言生則書於王旌以

識功與人者王旌車上建之就旌上書之欲取表顯示

人故也引盤庚告其卿大夫者盤庚殷王欲遷往亳殷

臣民有不肖者故告之云我不掩爾善所以者何茲予

大享于先王之時爾祖其從先王與在享祭之中况爾

見在不掩可知何不從我遷乎引漢法欲見古者祭功

臣在廟庭也必祭功臣在冬之烝祭者烝者衆也冬時

物成者衆故祭功臣按彼書注以大享為烝嘗者此舉

冬祭物成者衆而言其嘗時亦祭之也或可周時直於

烝時祭功臣殷時烝

嘗俱祭禮異故也 大功司勳藏其貳注貳猶副也功



書藏於天府又副於此者以其主賞疏

注釋曰鄭知功書藏於天府者

天府職文也

掌賞地之政令注政令謂役賦疏

注釋曰鄭以政為征征稅

也賞地在六鄉之內亦從溝洫貢天子廩其民亦從鄉之徭役之廩

凡賞無常輕重抵功

注無常者功之大小不可豫疏

注釋曰賞地在遠郊之內有疆界未給者空之

待有功乃隨功大小給之故云不可豫也

凡頒賞地參之一食注鄭司農云

不以美田為采邑玄謂賞地之稅參分計稅王食其一

也二全入於臣疏

注釋曰先鄭意以參之一一食者謂以下地可食三之一似下地再易家得

三頃歲種一頃食之故云不以美田為采邑又以賞田與采邑為一物後鄭不從者不以美田為采邑亦無文

以言之又按載師職家邑任稍地小都任縣地大都任疆地自三百里已外為之其賞田任在遠郊之內何得為一物故鄭不從也後鄭云賞地之稅參分計稅王食其一也二全入於臣者采地之稅四之一與小國入天子同今賞田三之一一分入天子與次國三之一入天子同

惟加田無國正注加田

既賞之又加賜以田所以厚恩也鄭司農云正謂稅也祿田亦有給公家之賦貢若今時候國有司農少府錢

穀矣獨加賞之田無正耳音義

正音征注同本亦作征少詩照反

疏

釋曰

言無國征無稅入天子灑其民出稅入主則有之但加田未知所在或可與賞田同處以其任田在近郊加田在遠郊可知也注釋曰知加田既賞之又加賜以田者以其文承賞田之下即云加田故知賞田之外所加賜

之田可知先鄭云祿田亦有給公家之賦貢舉漢法侯國有司農少府錢穀者漢法穀入司農錢入少府故舉以為况祿田即采地之稅及賞田之等是也加田是加恩厚又不稅入天子凡大夫士賜地有四種大夫以上有采家邑任稍地之等是也又有賞田及加田載師又有仕田及王制圭田圭田即仕田是有四種禮記王制云大夫士有田則祭無田則薦少牢持牲是大夫有田者是知士亦有田之灋也

馬質掌質馬馬量三物一曰戎馬二曰田馬三曰駕馬

皆有物賈注此三馬買以給官府之使無種也鄭司農

曰皆有物賈皆有物色及賈直音義賈音嫁注及下同種章勇反下同

疏釋曰云馬質者質平也主平馬力及毛色與賈直之等注釋曰云此三馬買以給官府之使無種者馬有

六種此三者無種買以給官府餘三者仍有種馬齊馬道馬其齊馬道馬亦無種不買之者其種馬上善似母者其齊馬道馬雖非上善似母者亦容國家所蕃育不買之也

**綱惡馬**注鄭司農云綱

讀為以亢其讐之亢書亦或為亢亢御也禁也禁去惡

馬不畜也玄謂綱以縻索維綱狎習之音義

亢苦浪反又音剛下

同御魚呂反本亦作禦下同去起

呂反小子注去之同縻亡皮反

疏

注釋曰先鄭讀為以亢其讐之亢者

按僖二十八年晉子犯曰背惠食言以亢其讐是也謂禁去惡馬不畜後鄭不從者此馬賢所掌皆買之無種

何有惡馬禁去之類故不從也

凡受馬於有司者書其齒毛與其賈馬

死則旬之內更旬之外入馬耳以其物更其外否注鄭

司農云更謂償也玄謂甸之內死者償以毛齒與賈受之日淺養之惡也甸之外死入馬耳償以毛色不以齒賈任之過其任也其外否者甸之外踰二十日而死不

任用非用者罪音義

更音庚下及注同任用音壬又而鳩反

疏

注釋曰後鄭云甸內

死者償以齒毛與賈受之日淺養之惡也者所受之馬謂給公家之使甸之內雖任之過其任若養之善未能致死以其日少故也若養之惡雖不重任亦能致死云甸之外死入馬耳償以毛色不以齒賈任之過其任也者以其筋力既竭雖善養之任載過多可以致死故云過其任也云其外否者甸之外踰二十日死不任用非用者罪者以其行使二十日以外馬力既竭雖齊其任養之善容得致死故不償鄭見有三等之灋下復云以

任齊其行以意量之以為此解

馬及行則以任齊其行注識其所載輕

重及道里齊其勞逸乃復用之音義

復扶又反

疏

注釋曰鄭

知識其所

載輕重及道里者以其經云馬及行明授行者所載輕重及道里須齊勞逸乃復用之不得并其勞逸也

若

有馬訟則聽之注訟謂賣買之言相負疏

注釋曰知賣買之言者以

馬質主買馬故知之也

禁原蠶者注原再也天文辰為馬蠶書蠶

為龍精月直大火則浴其種是蠶與馬同氣物莫能兩

大禁再蠶者為傷馬與音義

直音值為傷于偽反

疏

注釋曰云天辰為馬者

長則大火房為天駟故云辰為馬云蠶書蠶為龍精月值大火則浴其種者月值大火謂二月則浴其種即內

宰云仲春詔后帥外內命婦始蠶於北郊是也若絜祭  
義云大昕之朝奉種浴於川注云大昕季春朔日之朝  
是建辰之月又浴之者蓋蠶將生重浴之故彼下文即  
云桑於公桑之事是也云是蠶與馬同氣者以其俱取  
大火是同氣也云物莫能兩大者此莊二十二年左傳  
文按彼陳敬仲奔齊齊侯使敬仲為卿敬仲其少也周  
史有以周易見陳侯者陳侯使筮之過觀之否曰是謂  
觀國之光利用賓於王此其代陳有國乎不在此其在  
異國乎下云若在異國必姜姓也姜大嶽之後也山嶽  
則配天物莫能兩大陳衰此其昌乎引此者是無竝大  
之義也云禁再蠶者為傷馬與者二者既同氣不可  
兩大而禁再蠶明恐傷馬無正文故云與以疑之也

量人掌建國之灋以分國為九州營國城郭營后宮量  
市朝道巷門渠造都邑亦如之注建立也立國有舊灋

式若匠人職云分國定天下之國分也后君也言君容

王與諸侯音義

朝直遙反下及注疏釋曰云掌建國之

先知遠近廣長之數故也云以分國為九州者分國謂分諸侯之國為九州假令土廣萬里中國七千七七四十九方千里者四十九其一為畿內其餘四十八州各得方千里者六是為九州也至於中平通夷狄七千中國五千袁世通夷狄五千中國三千計皆可知故分國為九州州各有疆界故詩云帝命式於九圍是州各有圍限也云營國城郭者即匠人云營國方九里之類也云營后宮者謂若典命注公之官方九百步天子千二百步之類也云量市朝道巷者謂若匠人云市朝一夫經塗九軌巷及門渠亦有尺數謂若門容二轍三個之等云造都邑亦如之者謂造三等采地亦有城郭宮室市朝之等故云如之但與之制度大小未必身徃耳



注釋曰云立國有舊法式若匠人職云者按匠人有營國方九里夏后氏世室及左祖右社面朝後市市朝一夫之等云分國定天下之國分也者以經云分國謂為諸侯國諸侯國有五百里四百里以下言為州謂九州有分界也云后君也知非王后之宮者以其不得先言后故以后為君也云言君容王與諸侯者以其言分國是諸侯若云王即不容諸侯故變營軍之壘舍量其市王云后欲容王與諸侯兩舍故也

朝州塗軍社之所里注軍壁曰壘鄭司農云量其市朝州塗還市朝而為道也玄謂州一州之衆二千五百人為師每師一處市也朝也州也皆有道以相之軍社社

主在軍者里居也音義

涂本又作塗還市如字劉戶串反

疏釋曰此為出軍之時

所營量度之事注釋曰云軍壁曰壘者軍行之所擬停之處皆為壘壁恐有非常故云軍壁曰壘也先鄭云量其市朝州塗還市朝而為道也者先鄭意還市朝而為道不釋州義故後鄭不從以一州則一師每一師各自一處各立市朝州即師也師皆有道以相湊之若然未必環達為路也云軍社社主在軍者里居也者在軍不用命戮於社故將社之石主而行所居皆有步數故職在量人邦國之地與天下之涂

數皆書而藏之注書地謂方園山川之廣狹書涂謂支

湊之遠近音義

湊七 疏 注釋曰鄭以地中有平廣兼山 豆反 川之等故云書地謂方園山川

之廣狹也云書涂謂支湊之遠近者支謂支 分湊謂臻湊道塗有支分及相臻湊遠近也凡祭祀饗

賓制其從獻脯燔之數量注鄭司農云從獻者肉殺從

酒也。玄謂燔從於獻酒之炙肉也。數多少也。量長短也。

音義

炎章夜反

疏

釋曰云凡者以其天地宗廟饗食事廣故云凡以該之饗賓謂若大行人上公三饗

九獻之等饗賓獻有脯從若燕行獻賓薦脯醢是也。祭禮獻以燔從故總言之也。注釋曰先鄭云從獻者肉。殺從酒也。後鄭不從者以肉殺從酒禮所不言。按特牲少牢云主人獻尸以肝。從主婦獻尸以燔。從故後鄭據此以為從獻以燔。詩云載燔載烈。毛云傳火曰燔。貫之加於火曰烈。燔雖不貫亦是炙肉。故鄭云炙肉也。云數多少也。量長短也。者按儀禮脯十脰各長尺二寸。是長短燔之數量未聞。

掌喪祭奠窆之

俎實注窆亦有俎實謂所包遣奠士喪禮下篇曰藏苞

簠於旁音義

窆昌銳反

疏

釋曰諸於喪祭多據虞祭而言此喪祭文連奠窆窆是壙

內故鄭以喪祭為大遣奠解之是以大司馬喪祭亦為遣奠也注釋曰案冢人云請度甫窆窆窆穿壙之名此言奠窆則奠入於壙是以云所包遣奠也引士喪禮下篇者即既夕禮是也云藏苞筭於旁者苞謂苞牲取下體輦苞一是也藏筭者即既夕禮云筭三黍稷麥凡宰祭茲藏之於棺旁引之者證喪祭奠入壙之事也

與鬱人受暈歷而皆飲之注言宰祭者冢宰佐王祭亦

容攝祭鄭司農云暈讀如嫁娶之嫁暈器名明堂位曰

爵夏后氏以琖殷以暈周以爵玄謂暈讀如嘏尸之嘏

宰冢宰音義

暈古雅反劉依司農音嫁琖側釋曰云產反劉本作湔音同嘏古雅反凡宰祭

者冢宰攝祭非一故云凡也注釋曰鄭云冢宰佐王祭亦容攝祭者義得兩含按大宗伯云若王不與祭祀則

攝位注云王有故代行其祭事重掌者此據宗伯亦有故則冢宰攝之先鄭云掌讀如嫁娶之嫁直取音同引明堂位者證掌是器名周獻用玉爵無用掌故後鄭云掌讀如蝦尸之蝦讀從少牢尸蝦主人郊特牲云蝦者長也大也謂使主人受長大之福疏已具於鬱人職但此有歷字者謂鬱人與量人歷皆飲之也

小子掌祭祀羞羊肆羊殺肉豆注鄭司農云羞進也羊

肆體薦全烝也羊殺體解節折也肉豆者切肉也玄謂

肆讀為髣羊髣者所謂豚解也音義

肆依注音髣他歷反一音餘四反折

之設疏

注釋曰先鄭云羊肆體薦全烝也者既不為豚解則先鄭讀為肆陳之肆又為賜音也先鄭為

體薦全烝後鄭不從者以此經祭用羊是用大牢為宗廟之祭非祭天按外傳云禘郊之事則有全烝王公立

飲則有房俎是以知宗廟之祭不得全烝也是故禮運云腥其俎熟其穀注云腥其俎豚解而腥之孰其穀體鮮而爛之又云退而合亨體其犬豕牛羊是祭宗廟不得有全烝也是以後鄭讀肆從鬻羊鬻者所謂豚解也所謂者所謂士虞禮記云主人不視豚解豚解之灋則士喪禮持豚四鬻去蹄謂四段解之殊肩髀如解豚故名豚解若然大夫士祭自饋孰始故正祭即體解為二十一體喪事畧則有豚解其天子諸侯之祭有腥有爛有孰故初朝踐有豚解而腥之饋獻則有體鮮而爛之醑尸乃有孰與大夫士不同也

### 而掌珥于

社稷祈于五祀注故書祀作禩鄭司農云禩讀為祀書

亦或為祀珥社稷以牲頭祭也玄謂珥讀為珥祈或為剗剗珥者鬻禮之事也用毛牲曰剗羽牲曰珥剗社

稷五祀謂始成其官兆時也春官肆師職祈或作畿秋

官士師職曰凡刳蚺則奉犬牲此刳蚺正字與音義

依珥

注者蚺而志反後同一音仍祈音機禋音祀刳音機

字書云割也一曰斷也或古愛反又公內反與音餘

疏

注釋曰先鄭云珥以牲頭祭漢時祈禱有牲頭祭後鄭

不從者按禮記雜記釁廟之禮云門夾室用雞其蚺皆

於屋下蚺既為釁禮此刳與蚺連文則刳亦是釁禮非

祭祀之灋何得為牲頭祭乎是以後鄭為釁灋解之玄

謂珥讀為蚺祈或為刳者以釁灋無取於玉珥及祈禱

之義故依士師刳蚺為正也鄭知刳蚺為釁禮之事約

雜記而知也云用毛牲曰刳羽牲曰蚺者此相對而言

雜記廟用羊門用雞皆云蚺散文通也知刳蚺是社稷

五祀始成其官兆時也者凡物須釁者皆謂始成時是

以雜記云廟成則釁之是也云春官肆師職祈或作畿

者鄭欲見字有參差非一之義云秋官士師職曰凡剗  
岬則奉犬牲此剗岬正字與者剗從刀岬從血於義合  
故以此為  
正字也 凡沈辜侯禳飾其牲注鄭司農云沈謂祭川

爾雅曰祭川曰浮沈辜謂磔牲以祭也月令曰九門磔

禳以畢春氣侯禳者候四時惡氣禳去之也音義

禳如羊反

磔陟  
格反 疏

注釋曰先鄭云沈謂祭川是以引爾雅為證案爾雅曰祭山曰廋懸祭川曰浮沈此浮沈之祭

當祭天之煙祭社之血亦謂歆神節先鄭引月令季春  
令者證辜是辜磔牲體之義鄭彼注九門者王之五門  
外有國門近郊門遠郊門闕門為九云  
侯禳者謂候四時惡氣禳除去之也 釁邦器及軍器

注邦器謂禮樂之器及祭器之屬雜記曰凡宗廟之器



其名者成則釁之以𦍋豚音義

𦍋音家

疏

注釋曰鄭以軍器別言即云邦

器者是禮樂之器也鄭云禮器者即射器之等樂器即鐘鼓之等祭器即籩豆俎簋尊彝器皆是引雜記宗廟器成釁之以𦍋豚者證此等所釁亦用𦍋豚也

凡師田斬牲以左右徇陳注示

犯誓必殺之音義

徇辭俊反

疏

釋曰此即上文誓衆之時斬牲以左右徇陳是此職也

祭祀贊羞受徹焉

疏

釋曰贊羞謂若上文大司馬職云祭祀羞魚牲之等此官即贊之云

受徹焉者謂祭畢諸宰君婦廢徹之時則此官受之

羊人掌羊牲凡祭祀飾羔注羔小羊也詩曰四之日其

蚤獻羔祭韭疏

釋曰凡正祭皆用成牲今言祭祀飾羔則非正祭用羔是以鄭引詩為證云四

之日者謂用建子為正至建卯四月夏之二月之日公始用水欲開冰之時先獻羔祭韭而啟冰室乃出冰也

祭祀割羊牲登其首注登升也升首報陽也升首於室

疏注釋曰知升首於室者見郊特牲云用牲於庭升首於室注云制祭之後升牲首於北墉下云報陽者首

為陽對足為陰祭祀之時三牲之首俱升此特言羊者以其羊人所升不升餘牲故言羊也

凡祈珥

共其羊牲注共猶給也疏

釋曰犬人共犬此云共羊或羊或犬俱得為釁故兩職各

共之也賓客共其灋羊注灋羊食饗積膳之羊音義

音嗣食饗

本又作疏注釋曰鄭知灋羊是為此等者以其言灋即飧饗是依灋度多少送於賓館及道路是以掌客

致於賓館有上公飧五牢饗餼九牢及殷膳太牢致於道路有五積之等其饗食及燕速賓自饌陳者不言之

也  
凡沈辜侯禳釁積共其羊牲注積故書為眡鄭司農

云眡讀為漬謂釁國寶漬軍器也玄謂積積柴裡祀楮

燎實柴音義

眡徐賜反與漬同楮羊久反燎良召反

疏

注釋曰先鄭不從故書眡故讀從水

漬後鄭不從漬軍器者以此羊人所共異小子職彼云釁邦器及軍器以此知不得為漬軍器也後鄭云積積

柴裡祀楮燎實柴歷言此三者以互而相通皆須積柴實牲幣煙氣上聞故也但祭天用楮其日月已下有

羊者故我將詩云惟牛惟羊惟天其祐之彼亦據日月以下及配食者也

若牧人無牲則受

布於司馬使其賈買牲而共之注布泉音義

賈音古

司燿掌行火之政令四時變國火以救時疾注行猶用

也變猶易也鄭司農說以鄴子曰春取榆柳之火夏取

棗杏之火季夏取桑柘之火秋取柞櫜之火冬取槐檀

之火音義

柞子洛反櫜羊久反又音由

疏

釋曰云掌行火之政令者即四時變國火及季春出

火等皆是也云四時變國火以救時疾者火雖是一四時以木為變所以禳去時氣之疾也注釋曰先鄭引鄴

子書論語注引周書不同者鄴子書出於周書其義是一故各引其一言春取榆柳之等舊師皆以為取五方

之色同故用之今按棗杏雖赤榆柳不青槐檀不黑其義未聞

季春出火民咸從之季

秋內火民亦如之注火所以用陶冶民隨國而為之鄭

人鑄刑書火星未出而出火後有災鄭司農云以三月

本時昏心星見於辰上使民出火九月本黃昏心星伏

在戌上使民內火故春秋傳曰以出內火音義

見賢疏

遍反

注釋曰鄭知出火內火據陶冶火者以其上經四時變國火據食火明此春秋據陶冶故引春秋傳為證也云民隨國而為之者釋民咸從之義云鄭人已下按左氏昭六年三月鄭人鑄刑書士文伯曰火見鄭其災乎火未出而作火六月丙戌鄭災是其後有災昭十七年梓慎曰火出於夏為三月於商為四月於周為五月夏數得天正先鄭云三月本時昏心星見於辰上使民出火九月本黃昏心星伏在戌上使民內火者心星則大火辰星是也三月諸星復在本位心星本位在卯三月本之昏心星始時未必出見卯南九月本始之黃昏心星亦未必伏在戌上皆據月半後而言云春時則施火令秋傳曰以出內火者左氏傳襄公九年文

注焚萊之時疏

注釋曰上言行火政此又言施火令則不掌火禁故鄭云焚萊之時其火禁者

則宮正云春秋以木鐸修火禁注云火星以春出以秋入因天時而以戒司烜亦云仲春以木鐸修火禁於國

中彼二官直掌

火禁不掌火令 凡祭祀則祭燿注報其為明之功禮如

祭爨疏

注釋曰鄭云禮如祭爨者祭爨祭老婦也則此祭燿謂祭先出火之人

凡國失火

野焚萊則有刑罰焉注野焚萊民擅放火疏

注釋曰國失火謂在

國中民失火有罰若今民失火有杖罰野焚萊有罰者大司馬仲春田獵云火弊鄭云春田主用火因除陳生

新則二月後擅放火則有罰也

掌固掌脩城郭溝池樹渠之固頒其士庶子及其衆庶

之守注樹謂枳棘之屬有刺者也衆庶民遞守固者也

鄭司農說樹以國語曰城守之木於是乎用之音義諸枳

氏反刺七賜反遞劉疏釋曰云掌修城郭溝池者謂環

待禮反又待計反

直溝池有樹兼其餘渠上亦有樹也云之固者總城郭

已下數事皆是牢固之事也云頌其士庶子者即宮伯

盱云士謂卿大夫士之適子庶子其支庶彼據宿衛王

宮此掌固所頌亦據宿衛王宮而言以其庶子不合城

郭之處用之以掌固是守固之官故兼掌宿衛之事也

注釋曰云衆庶民遞守固者也者謂使守城郭之所及

要害之處也先鄭引國語者按楚語云靈王為章華之

臺伍舉諫為臺榭云瘠硠之地於是乎為之城守之木

於是乎用之是其事引之者證城有守濼設其飾器注兵甲之屬今城郭門

之器亦然疏

注釋曰鄭知經飾器是兵甲之屬者以其掌器是防禦之器故知是兵甲之屬也云

今城郭門之器亦然者漢時城郭門守器所飾亦若今城郭門傍所執矛戟皆有幡飾之等是也

分其

財用均其稍食注財用國以財所給守吏之用也稍食

祿廩疏

注釋曰云財用者謂所用之財物分與之明是以財所給守吏為守事之用者也云稍食祿廩

者所守之處官及民合受官食月祿廩者所守之處按月給米廩與之故謂之稍食也

任其萬民

用其財器注任謂以其任使之也民之材器其所用

築及為藩落音義

豔七反疏注釋曰云民之材器其所用豔反

用謂官之財物此云民之材器明材是材木用為楨幹以掘塹築作所用及不築處即用材為藩屏藩落以遮



障也凡守者受癘焉以通守政有移甲與其役財用唯是

得通與國有司帥之以贊其不足者注凡守者士庶子

及他要害之守吏通守政者兵甲役財難易多少轉移

相給也其他非是不得妄離部署國有司掌固也其移

之者又與掌固帥致之贊佐也音義凡守者劉收又反

同易以豉反疏注釋曰云凡守者士庶子及他要害之

離力智反

疏

守吏者此鄭

還據上文士庶子及衆庶

之守而言云他要害者謂城郭所守是其常處除此有

要害之處若殺臯河漢要路之所皆為他要害也云通

守政者兵甲役財難易多少轉移相給者鄭據上文飾

器而言變材器言役材者欲見材器是民役之材非財

用也云其他非是不得妄離部署者此則釋經惟是  
得通之言其餘非所通之外皆不得離其本處也

書

三巡之夜亦如之注巡行也行守者為衆庶之解惰音

義

行下孟反下皆同為  
于偽反解佳賣反

疏

釋曰此乃掌固設灋與所守  
之處非是掌固自巡行之也

夜三鑿以號戒注杜子春云讀鑿為造次之造謂擊鼓

行夜戒守也春秋傳所謂賓將趣者與趣與造音相近

故曰終夕與燎玄謂鑿擊鑿警守鼓也三巡之間又三

擊鑿音義

鑿音戚造七報反下同趣莊久反劉祖侯反  
杜七柱反者與音餘近附近之近與燎音預

疏釋曰此乃掌固設灋與所守之處言以號戒者使擊

鑿者所以號呼使戒守耳注釋曰引春秋者按昭二

十年衛侯如死鳥齊侯使公孫青聘衛賓將擷注謂行夜不作趣者彼賈服讀字與子春意異云故曰終夕與燎者亦是彼傳文後鄭以鑿擊鑿警守鼓不從子春造音者以子春已上有注鑿讀為憂戚之戚是戒守者使有憂戚故謂此鼓為鑿也若造都邑則治其固與其守灋注都邑亦

為城郭疏

注釋曰謂三等采地言亦為城郭者但戒守為城郭而言故亦如上王國然也

凡國

都之竟有溝樹之固郊亦如之注竟界也音義

竟音境注及下

同疏

釋曰此經為上經而設仍兼見王國而言故國都雙言之言王國及三等都邑所在境界之上亦為

溝樹以為阻固郊亦如之若據王國有近郊遠郊亦有溝樹以為固

民皆有職焉注職謂

守與任疏

釋曰此亦兼上王國及都合守之處其民皆職任使勞逸遞守也

若有山川

則因之注山川若穀臯河漢疏

釋曰謂上諸有所造溝樹為固之處值有山川

之處則因之不須別造注釋曰穀謂若穀有二陵臯謂若東城臯漢謂若楚謂齊云楚國漢水以為池河為四瀆之險又齊西有濁河皆因之為固可知

司險掌九州之圖以周知其山林川澤之阻而達其道

路注周猶徧也達道路者山林之阻則開鑿之川澤之

阻則橋梁之音義

徧音疏

釋曰序官注國曰固野曰險是掌固掌在國城郭則司險

掌畿外阻固故云司險也注釋曰云山林之阻則開鑿之者謂若禹鑿龍門之類川澤之阻則橋梁之者謂若

十月興梁成之類是也

設國之五溝五涂而樹之林以為阻固皆

有守禁而達其道路注五溝遂溝洫澮川也五涂徑畛

涂道路也樹之林作藩落也音義

洫況域反澮古外反畛之忍反

疏

釋曰

此五溝五涂而言樹之林以為阻固皆有守禁則非遂人田間五溝五塗但溝塗所作隨所須大小而為之皆準約田間五溝五塗其溝上亦皆有道路以相支湊故以五溝五塗而言之也注釋曰遂溝至道路皆遂人文故遂人云夫間有遂遂上有徑十夫有溝溝上有畛百夫有洫洫上有塗千夫有澮澮上有道萬夫有川川上有路

是也

國有故則藩塞阻路而止行者以其屬守之唯有

節者達之注有故喪災及兵也閉絕要害之道備姦寇

也疏

釋曰國有故之時恐有姦寇故藩塞阻路而止行者云以其屬守之者謂使司險之下胥徒四十人

之屬守其要者其餘使其地之民為守也云有節者達  
之者節謂道路用旌節也注釋曰鄭知有故是喪災及  
兵者喪謂王喪災謂水火兵謂寇戎之等  
有故使守慎惟此而已故以此三事解之

### 掌疆闕

候人各掌其方之道治與其禁令以設候人注道治治

道也國語曰候不在竟譏不居其方也禁令備姦寇也

以設候人者選士卒以為之詩云彼候人兮何戈與祲

音義

治直吏反注道治及下方治同何胡  
我反又音河祲都外反劉賾律反

疏

釋曰言各  
掌其方之

道治與其禁令以設候人者以其上士六人下士十有  
二人徒百有二十人以道路多故設官及徒亦多也引

國語者按周語定王使單襄公聘於宋遂假道於陳以聘於楚時候不在境司空不視塗膳宰不致饋司里不授館單子歸以告王曰陳侯不有大咎國必亡言讒者正謂陳侯不有大咎國必亡者也詩云彼候人兮荷戈與祓者荷揭也殺謂及也引此二者證候人在道之事鄭言候人者選士卒以為之者即徒百二十人皆是甲士與步卒之內為之也

若有方治則帥而致于朝及歸送之于竟

注方治其方來治國事者也春秋傳曰晉欒盈過周王

使候人出諸轅轅是其送之音義

朝直遙反  
轅戶闕反  
疏注釋曰

方來治國事者也者謂國有事不能自決當決於王國或有國事須報在上皆是也引春秋者按襄二十一年晉欒盈出奔楚過周西鄙掠之辭於行人曰天子陪臣盈得罪於王之守臣將逃罪重於郊甸無所伏竄

敵布其死昔陪臣書能輸力於王室若不棄書之力亡  
臣猶有所逃若棄書之力將歸死於尉氏惟大君命焉  
王使司徒禁掠樂氏者歸所取焉使候出諸  
轅轅彼云候鄭君以義言之故言候人也

環人掌致師注致師者致其必戰之志古者將戰先使

勇力之士犯敵焉春秋傳曰楚許伯御樂伯攝叔為右

以致晉師許伯曰吾聞致師者御靡旌摩壘而還樂伯

曰吾聞致師者左射以散代御執轡御下柄馬掉鞅而

還攝叔曰吾聞致師者右入壘折馘執俘而還皆行其

所聞而復之音義

最側留反劉子侯反柄音兩又音亮  
掉徒弔反又奴孝反鞅於兩反折之



設反下同設古疏注釋曰云古者將戰先使勇力之士獲反俘音孚犯敵焉者按文十二年秦伯伐晉秦

人欲戰秦伯謂士會曰若何而戰對曰若使輕者肆焉其可注云肆突言使輕銳之兵往驅突晉軍隱九年北

戎侵鄭公子突曰使勇而無剛者嘗寇而速去之注云勇則能往無剛不恥退云春秋傳者宣十二年左氏傳

晉楚交戰楚許伯御樂伯已下謂凡平兵車之法射者在左御者在中戈盾在右箠矢之善者捫猶飾也掉猶

正也言折馘執俘者死者取左耳曰馘生者曰俘執取之云皆行其所聞而復之者去時作言及至晉師皆行

其所聞之事而復反此亦勇而無剛之人引之者證致師之事也

**察軍慝**注慝陰姦也

視軍中有為慝者則執之音義慝他得反疏釋曰按莊二十五年左氏傳云

惟正月朔慝未作彼以慝為陰氣則此慝亦是陰姦也欲陰私為姦取此軍之事往彼言之故察而執之環

四方之故注卻其以事謀來侵伐者所謂折衝禦侮疏

注釋曰此則訓環為卻卻其以事謀來侵伐此國者也云所謂折衝禦侮者謂彼國來衝能折服之彼國來輕

侮能禦之故云巡邦國搏謀賊注謀賊反間為國賊音折衝禦侮也

義

搏音博又房布反劉音疏注釋曰云巡邦國者謂巡付謀音牒間間廁之間諸侯邦國之內有謀賊搏

捉取之言謀賊者謂間伺此國之善惡謀謀然傳道之言反間者謂間伺反於彼言之也此謀賊即上軍憲之

類彼據王國此據訟敵國注敵國兵來則往與之訟曲邦國故異言之

直若齊國佐如師疏

注釋曰云若齊國佐者成公二年晉伐齊晉師至袁婁齊侯使國佐

致賂晉人不可曰必以蕭同叔子為質而使齊之封內盡東其畝對曰蕭同叔子非他寡君之母也若以匹敵

則亦晉君之母也。今吾子布大命於諸侯，而曰必質其母，以為信其若王命。何？又曰：先王疆理天下，物土之宜，而布其利。下云：今吾子疆理諸侯，而曰盡東其畝而已。惟吾子戎車是利，無顧土宜，其無乃非先王之命也乎？

晉於是退師，是訟敵國之事故，引為證也。**揚軍旅**，注為之威武，以觀敵。詩云：維師尚父，時維鷹揚。疏，注釋曰：引詩者，大雅文王詩言

紂之時，太公奮其威武，惟如鷹。降圍邑，注圍邑欲降者，之揚擊是揚威武，故引為證也。

**受而降之**，春秋傳曰：齊人降鄆，音義。降，戶江反。注同。鄆

疏，注釋曰：按公羊傳，莊公三十年秋七月，齊人降鄆。鄆者，何紀人之遺邑也。是紀入齊之時，不俱至，後乃降。

引之證，降是圍邑之事也。

挈壺氏掌挈壺以令軍井挈轡以令舍挈畚以令糧注

鄭司農云挈壺以令軍井謂為軍穿井井成挈壺縣其

上令軍中士衆皆望見知此下有井壺所以盛飲故以

壺表井挈轡以令舍亦縣轡于所當舍止之處使軍望

見知當舍止于此轡所以駕舍故以轡表舍挈畚以令

糧亦縣畚于所當稟假之處令軍望見知當稟假于此

下也畚所以盛糧之器故以畚表稟軍中人多車騎雜

會謹囂號令不能相聞故各以其物為表省煩趨疾于

事便也音義

畚音本為于偽反下為沃同縣音懸下皆同令力呈反盛音成下同稟彼錦反劉力

鳩反謹呼瑞

反噐五高反一音

疏

釋曰皆云挈者謂結之於竿首挈挈然故

許驕反省所景反便婢面反

云挈也先鄭注具不復疏之也

凡軍事縣壺以序聚橐凡喪縣壺以代

哭者皆以水火守之分以日夜注鄭司農云縣壺以為

漏以序聚橐以次更聚擊橐備守也玄謂擊橐兩木相

敲行夜時也代亦更也禮未大斂代哭以水守壺者為

沃漏也以火守壺者夜則火視刻數也分以日夜者異

晝夜漏也漏之箭晝夜共百刻冬夏之間有長短焉大

史立成灋有四十箭音義

灋音託更音庚下同敲若交反又若教反行下盃反

共如疏

注釋曰先鄭云懸壺以為漏者謂懸壺於上以字水沃之水漏下入器中以沒刻為准灋云以序

聚灋以次更聚擊灋備守也者先鄭意持更人擊灋立謂擊灋兩木相敲行夜時也者謂行夜者擊之按修閭氏掌比國中宿互灋者先鄭云灋謂行夜擊灋野廬氏云若有賓客則令守塗地之人聚灋之司農云聚灋之聚擊灋以宿衛之也彼二注後鄭皆從先鄭及至此注不從先鄭者以野廬氏無行夜者宿人自擊故後鄭從之此文與修閭氏同有行夜者故此不從先鄭宿者自擊之是以宮正云夕擊灋而比之注云行夜以比直宿者先鄭云灋戒守者所擊也是亦為行夜者所擊也云代亦更也禮未大斂代哭者未殯已前無問尊卑皆哭不絕聲大斂之後乃更代而哭亦使哭不絕聲大夫以官士親疏代哭人君尊又以壺為漏分更相代云分以

日夜異晝夜漏也者若冬至則晝短夜長夏至則晝長  
夜短二分則晝夜等晝夜長短不同須分之故云異晝  
夜漏也云漏之箭晝夜共百刻冬夏之間有長短焉者  
馬氏云漏凡百刻春秋分晝夜各五十刻冬至晝則四  
十刻夜則六十刻夏至晝六十刻夜四十刻鄭注堯典  
云日中者日見之漏與不見者齊日長者日見之漏五  
十五刻於四時竅長也夜中者日不見之漏與見者齊  
日短者日見之漏四十五刻於四時竅短此與馬義異  
以其馬云春秋分晝夜五十刻據日見之漏若兼日未  
見日沒後五刻晝五十五刻夜四十五刻若夏至晝六  
十刻通日未見日沒後五刻則晝六十五刻夜三十五  
刻一年通閏有三百六十五日四分日之一四時之間  
九日有餘校一刻為率云大史立成灋有四十八箭者  
此據漢法而言則以器盛四十八箭箭各百刻以壺盛  
水懸於箭上節而下之水水淹一刻則為  
一刻四十八箭者蓋取倍二十四氣也  
**及冬則以火**

鑿鼎水而沸之而沃之注鄭司農云冬水凍漏不下故

以火炊水沸以沃之謂沃漏也音義

鑿七疏注釋曰沃端反如沃尸盥

之沃謂滯水稍熱  
澆沃壺中使下也

射人掌國之三公孤卿大夫之位三公北面孤東面卿

大夫西面其摯三公執璧孤執皮帛卿執羔大夫鴈注

位將射始入見君之位不言士者此與諸侯之賓射士

不與也燕禮曰公升即位于席西鄉小臣納卿大夫卿

大夫皆入門右北面東上士立于西方東面北上大射



亦云則凡朝燕及射臣見於君之禮同音義

見君賢遍反下同不

與音預鄉許亮反朝直

疏

釋曰三公特北面者君南面答陽臣之北面答君三公臣

中最尊故屈之使北面答君之義孤東面者西方者賓位以孤無職尊而賓客之故在西也卿大夫西面者以其皆有職故在東在東近君居主位也注釋曰知位是將射始入見君之位者此射人唯論射事大射諸侯禮亦然故知將射見君始入見君之位也云不言士此與諸侯之賓射士不與也者無臣祭無所擇不得自大射得與君大射故司裘職大射不言士也按下文士射侯二正則士得自行賓射不得與君賓射矣引燕禮者欲見天子諸侯朝燕射三者位同之義云凡朝燕及射臣見於君之禮同者以儀禮內諸侯有燕朝及射朝不見正朝周禮內天子有射朝與正朝不見燕朝諸侯射朝與燕朝位同則天子燕朝亦與射朝位同則諸侯正朝

亦與射朝位同是天子諸侯三朝各自同  
故鄭引儀禮見天子諸侯互見為義耳

諸侯在朝則

皆北面詔相其灋注謂諸侯來朝而未歸王與之射於

朝者皆北面從三公位灋其禮儀音義

相息亮反下及相孤同

疏

釋曰按司几筵云凡封國命諸侯大饗射王立宸前南鄉司服云享先公饗射則驚冕鄭注云饗射饗食賓客與諸侯射也此云王與之射言在朝當皮弁又何得有宸所以然者彼二者據大射在學故有著冕在宸之事此賓射在路門之外朝故與彼異也注釋曰云從三公位者諸侯南面之尊故屈之從三公位也云灋其禮儀者謂在朝進退周旋拱揖之儀也

若有國事則掌其戒令詔相其事注

謂王有祭祀之事諸侯當助其薦獻者也戒令告以齊

與期音義

齊側皆反疏

注釋曰知國事是王有祭祀之事者以其諸侯來朝未歸而有戒令詔相

之事大宗伯祭事皆云詔相故知是祭祀之事云戒令告以齊與期者齊謂散齊期謂祭日也

掌其治

達注謂諸侯因與王射及助祭而有所治受而達之於

王王有命又受而下之音義

治直吏反疏

注釋曰如鄭注意則治達之中非直

諸侯有治於王王之有治亦下達於諸侯也

以射灋治射儀王以六耦射三

侯三獲三容樂以騶虞九節五正諸侯以四耦射二侯

二獲二容樂以貍首七節三正孤卿大夫以三耦射一

侯一獲一容樂以采蘋五節二正士以三耦射豻侯一

獲一容樂以采繁五節二正注射灋王射之禮治射儀

謂肆之也鄭司農云三侯虎熊豹也容者乏也待獲者  
所蔽也九節析羽九重設於長杠也正所射也詩云終  
日射侯不出正兮二侯熊豹也豻侯豻者獸名也獸有  
羆豻熊虎玄謂三侯者五正三正二正之侯也二侯者  
三正二正之侯也一侯者二正而已此皆與賓射於朝  
之禮也考工梓人職曰張五采之侯則遠國屬遠國謂  
諸侯來朝者也五采之侯即五正之侯也正之言正也

射者內志正則能中焉畫五正之侯中朱次白次蒼次黃玄居外三正損玄黃二正去白蒼而畫以朱綠其外之廣皆居侯中參分之一中二尺今儒家云四尺曰正二尺曰鵠鵠乃用皮其大如正此說失之矣大射禮豸作干讀如宜豸宜獄之豸豸胡犬也士與士射則以豸皮飾侯下大夫也大夫以上與賓射飾侯以雲氣用采各如其正九節七節五節者奏樂以為射節之差言節者容侯道之數也樂記曰明乎其節之志不失其事則

功成而德行立音義

射三侯食亦反下及注射侯所射射牲射承皆同三獲如字劉胡伯

反五正音征下及注同奔五旦反劉音鴈注同肆之劉餘二反一音四九重直龍反衽音江軀初誅反下同言

正音政下志正大射正同能中丁仲反下文注射中中侯同去白起呂反下去扑同廣古曠反鵠古毒反下大

夫戶嫁反下天子同以上時掌疏注釋曰此則賓射在反下上曰以上同行下孟反朝之儀言射灋王射

之禮者此經兼有諸侯臣各在家與賓客射灋各自有官掌之射人但作灋與之耳首云射灋者是射人所掌

王射之禮言王射以別諸侯已下之射也云治射儀謂肆之也者言治則非是王射之語謂若大宗伯云治其

大禮皆是習禮灋故鄭云肆之肆則習也先鄭云三侯虎熊豹後鄭不從云容者乏也者此言容儀禮大射鄉

射之等云乏故云容者乏也言容者據唱獲者容身於其中據人而言云乏者矢至此乏極不過據矢而說也

云九節析羽九重設於長杠也者若是析羽九重設於長杠即是獲旌當與三獲三容相依何得輒在騶虞之下既在騶虞詩下明是歌之樂節故後鄭不從也云二侯熊豹也者後鄭亦不從也云豨侯豨者獸名也獸有豨豨熊虎者此皆獸類故舉言之也玄謂三侯者五正三正二正之侯也者大射賓射侯數同皆約大射云大侯九十豨侯七十豨侯五十而言云二侯者三正二正之侯也者謂七十五十弓者也云一侯者二正而已者據大夫士同一侯二正五十弓而已云此皆與賓射於朝之禮也者按鄉射記云於境則虎中龍彘謂諸侯賓射之禮彼又云唯君有射國中其餘臣則否注云臣不習武事於君側則臣皆不得在國射若然在朝賓射唯有天子而云此皆與賓射於朝之禮者謂諸侯已下賓射在已朝不謂於天子朝行此賓射之禮也云考工梓人職曰張五采之侯則遠國屬已下至五正之侯也引之者破先鄭以此五正之侯為虎熊豹但梓人有三等

侯云張皮侯而棲鵠及司裘云虎侯熊侯豹侯皆大射之侯也梓人又云張五采之侯則遠國屬及此五正之等皆賓射之侯也梓人又云張獸侯則王以息燕及鄉射記云天子熊侯白質之等皆燕射之侯也三射各有其侯而先鄭以皮侯釋正侯非也云正之言正也射者內志正則能中焉者此意取義於射義司裘注更有一釋正為鳥名解之也云畫五正之侯中朱已下皆以相尅為次向南為首故先畫朱知三正去玄黃二正朱綠者皆依聘禮記繅藉而言三采者朱白蒼二采者朱綠也云其外之廣皆居侯中參分之一者此亦約梓人云參分其廣而鵠居一焉彼據大射之侯若賓射之侯亦當參分其廣正居一焉九十步者侯中丈八尺七十步者侯中丈四尺五十步者侯中一丈也云今儒家云四尺曰正二尺曰鵠鵠乃用皮其大如正此說失之矣者賓射射正大射射鵠儒家以正鵠為一解故鄭破之云鵠乃用皮其大如正不得為一故云此說失之矣云大



射禮狩作干者見大射經作干侯彼注亦破從狩云讀如宜狩宜獄之狩者此讀與彼音同云狩胡犬也者謂胡地之野犬云士與士射則以狩皮飾侯下大夫也大夫以上與賓射飾侯以雲氣知義如此者此賓射正用二采而言狩侯明於兩畔以狩皮飾之故得狩侯之名知大夫已上用雲氣者鄉射記云凡畫者丹賡注云賓射之侯燕射之侯皆畫雲氣於側以為飾必先以丹采其地是賓射大夫已上皆畫雲氣其大射之侯兩畔飾以皮故鄭直言賓射燕射云用采各如其正者其側之飾采之數各如正之多少也云九節七節五節者奏樂以為射節之差者九節者五節先以聽七節者三節先以聽五節者一節先以聽尊者先聽多卑者少為差皆留四節以乘矢拾發云言節者容侯道之數者謂若九節者侯道九十弓七節者侯道七十弓五節者侯道五十弓也云樂記曰明乎其節之志不失其事則功成德行立者證侯道遠近亦為節也此射義文云樂記者誤

也若王大射則以狸步張三侯注鄭司農云狸步謂一

舉足為一步於今為半步玄謂狸善搏者也行則止而

擬度焉其發必獲是以量侯道灋之也侯道者各以弓

為度九節者九十弓七節者七十弓五節者五十弓弓

之下制長六尺大射禮曰大侯九十參七十干五十是

也三侯者司裘所共虎侯熊侯豹侯也列國之君大射

亦張三侯數與天子同大侯熊侯也參讀為糝糝雜也

雜者豹鷓而麋飾下天子大夫音義

搏音博劉音付擬本又作擬同度待

洛反參讀為糝素感疏注釋曰此射人主賓射兼主大反干與彘同五且反射之事故為大射張侯也先鄭云狸步謂一舉足為一步於今為半步者此言於射張侯義無取故後鄭不從是以後鄭為狸善搏物解之云侯道者各以弓為度九節者九十弓已下者按鄉射記鄉侯五十弓弓二寸以為侯中彼據鄉射之侯一侯五十弓者而言若大射三侯云九十七五亦是據弓為數弓之上制六尺六寸中制六尺三寸下制六尺六尺與步相應故鄭連引大射三侯以義相會諸侯三侯用物雖不與天子同侯道則同但天子侯道無文約同諸侯故更引司裘天子三侯以會之諸侯糝侯知豹鵠而麋飾者以司裘云諸侯熊侯豹侯卿大夫麋侯畿外不得純如天子近侯已用彘則大侯不得用虎侯明大侯用畿內諸侯熊侯為之其中豹侯麋侯則諸侯兼此二侯乃稱糝豹尊於麋明以豹為鵠以麋為飾耳不純用豹麋者下天子大夫故也

**王射則令去**

侯立于後以矢行告卒令取矢注鄭司農云射人主命

人去侯所而立於後也以矢行告射人主以矢行高下

左右告于王也大射禮曰大射正立于公後以矢行告

于公下曰留上曰揚左右曰方杜子春說以矢行告告

白射事于王王則執矢也杜子春說不與禮經合疑非

是也卒令取矢謂射卒射人令當取矢者使取矢也玄

謂令去侯者命負侯者去侯也鄉射曰司馬命獲者執

旌以負侯音義

卒子恤反注同

疏

釋曰此文承賓射大射之下則王射射人皆令去侯立於

後以矢行告卒令取矢注釋曰先鄭云射人主令人去侯所者不辨其去侯之人故後鄭增成其義其負侯之人是服不氏也又引鄉射直云司馬命負侯不言官者大夫士家無服不氏家臣為之故也天子射人無其事  
故引大射之祭侯則為位注祭侯獻服不服不以祭侯等為證也

為位為服不受獻之位也大射曰服不侯西北三步北

面拜受爵疏

注釋曰按大射禮使服不氏負侯將祭侯之時先設位於侯西北北面服不氏於位

受得獻訖乃於侯所北面祭侯故引大射受獻之位為證也

與大史數射中注射中

數射者中侯之算也大射曰司射適階西釋弓去扑襲

進由中東立于中南北面視算音義

數所主反注同扑  
普卜反劉方邁反

說文文

疏

注釋曰數算大史數之射人但視之耳故引大射為證大射諸侯禮謂之司射天子謂之

射人司射恒執張弓搢扑但今將視數算故適階西釋去方并去扑倚於階西襲乃適中南北面視數算也

佐司馬治射正注射正射之灋儀也

疏注釋曰射之威儀乃是禮之正

故名射儀為射正也司馬所主射儀謂若命去侯命祭取矢乘矢之等皆當佐之言治者亦謂預習之類也

祀則贊射牲相孤卿大夫之灋儀注烝嘗之禮有射承

者國語曰禘郊之事天子必自射其牲今立秋有驅劉

云音義

驅力朱反疏注釋曰鄭知烝嘗之禮有射承者一吾如字據逸烝嘗禮而知云國語曰禘郊

之事天子必自射其牲者據祭天之時牲則犢也若然宗廟之祭秋冬則射之春夏否也祭天則四時常射天

尊故也是以司弓矢共王射牲之弓矢此射人贊射牲也諸侯已下則不射楚語云劉羊擊豕而已云今立秋有豮劉云者漢時苑中有豮劉即爾雅豮似狸劉殺也云立秋豮殺物引之者證烝嘗在秋有射牲順時氣之灋

會同朝覲作大夫介凡有爵者注作讀如作止爵之

作諸侯來至王使公卿有事焉則作大夫使之介也有爵者命士以上不使賤者音義介劉古拜反疏釋曰作

會同朝覲王使公卿有事於會同則射人使大夫為上介使凡有爵者命士以上為衆介也注釋曰鄭讀作如作止爵之作者讀從特牲少牢三獻作止爵按彼主人主婦二獻尸訖賓長為三獻尸爵止鄭注云欲神惠之均於室中使主人主婦致爵訖三獻則賓長也賓長作起前所止之爵使尸飲之讀從者取動作使之義也

大師令有爵者乘王之倅車注倅車戎車之副音義

倅七

內反劉疏注釋曰大師謂王出征伐王乘戎路副車十倉愛反疏二乘皆從王行則使有爵者命士已上乘之

知倅車戎車之副者戎僕云掌王倅車之政鄭云倅車之副也有大賓客則作卿大夫

從注作者選使從王見諸侯音義

從才用反注同疏注釋曰大

會同則是秋冬覲遇并春夏受享在廟之時從王見諸侯也戒大史及大夫介注戒

戒其當行者覲禮曰諸公奉篚服加命書于其上升自

西階東面大史氏右疏

注釋曰此謂王有命使三公命諸侯及衣服就館賜之時則射

人戒大史及大夫與諸公為介注引覲禮者證王使諸公就館賜侯氏之法云大史氏右者謂於西階東面之



時大史在公之右命侯氏也是以公  
羊傳曰命者何加我服錫者何賜也  
大喪與僕人遷尸

作卿大夫掌事比其廬不敬者苛罰之注僕人大僕也

僕人與射人俱掌王之朝位也王崩小斂大斂遷尸于

室堂朝之象也檀弓曰扶君卜人師扶右射人師扶左

君薨以是舉苛謂詰問之音義

比毗志反苛音何又呼何反朝直遙反下皆同

疏釋曰作大夫掌事者謂王喪宜各有職掌比其廬者  
謂若官正所云親者貴者居廬當比其本服親疏及

貴賤注釋曰知僕人大僕也者見大僕掌內朝射人掌  
正朝掌事是同周禮又更無僕人職故知是大僕是以

鄭云僕人與射人俱掌王之朝位也云王崩小斂大斂  
遷尸於室堂者始死於北墉下遷尸於南墉下又云小

斂於戶內是遷尸於室小斂訖遷尸於戶外又遷尸大斂於阼階大斂訖又遷尸於西階以入棺是遷尸於堂也云朝之象也者君所在臣朝之故云朝之象也引檀弓者證射人與僕人君之疾薨皆是二人之事彼鄭云卜當為僕即僕人也

服不氏掌養猛獸而教擾之注猛獸虎豹熊羆之屬擾

馴也教習使之馴服王者之教無不服音義擾而小反劉音饒羆

被皮反馴似疏注釋曰猛獸云之屬者兼有豺狼獾狝遵反一音脣之等故云之屬教馴之象天下皆服王

者之教無凡祭祀共猛獸注謂中膳羞者獸人冬獻狼

春秋傳曰熊蹯不熟音義蹯音煩疏注釋曰上云養猛獸則猛獸皆養之

此言祭祀所共據堪食者故鄭云謂中膳羞中膳羞唯  
有熊狼故引獸人與春秋為證按內則亦云狼膾膏可  
食也春秋傳者宣公二年晉靈公之時  
宰夫胹熊蹯不熟殺之趙盾諫之是也

**賓客之事則抗**

**皮注鄭司農云謂賓客來朝聘布皮帛者服不民主舉**

**藏之抗讀為亢其讐之亢玄謂抗者若聘禮曰有司二**

**人舉皮以東音義**

抗注亢同苦浪反劉公郎反

**疏**注釋曰朝聘布皮帛者按聘禮行享

禮之時皮帛布於庭使服不氏舉皮以東抗即舉也故引為證也讀為亢其讐之亢者讀從僖二十八年城濮之戰子犯云背惠食言以亢其讐引之者取亢舉之義也後鄭引聘禮者增成先鄭義二人者即服不氏也

**射則贊張侯以旌居之而待獲注贊佐也大射禮曰命**

量人中車張三侯杜子春云待當為持書亦或為持乏

讀為匱乏之乏持獲者所蔽玄謂待獲待射者中舉旌

以獲音義中如字劉居各疏注釋曰引大射者證服不反中丁仲反氏佐量人中車張侯之事

後鄭云待獲待射者中舉旌以獲者以獲則大射禮唱獲者居乏中中則舉旌以宮下旌以商者是也故不從

子春待為持也

射鳥氏掌射鳥注鳥謂中膳羞者鳧鴈鶉鴝之屬音義

射食亦反下射鳥同鳧音扶鶉音保鶉于苗反疏注釋曰知中膳羞者以上文猛獸有共祭祀此下文云祭

祀毆鳥鳧鳥鶩不中膳羞則毆之此經直云射鳥明是

中膳羞者也鄭知鳧鴈鶉鴝者內則云舒鳧翠鴈腎鶉

鶚胖此等去翠腎胖是可膳羞者也云之屬者兼有雉鶚鷓之等也祭祀以弓矢毆烏鳶

凡賓客會同軍旅亦如之注烏鳶善鈔盜便汙人音義

毆起居反鳶弋專反鈔初教反疏釋曰賓客會同毆烏

又初交反便婢面反劉符絹反疏鳶者以其會同皆有

盟詛之禮殺牲之事軍旅亦有射則取矢矢在侯高則

斬牲徇陳之事故須毆烏鳶

以并夾取之注鄭司農云王射則射鳥民主取其矢矢

在侯高者矢著侯高人手不能及則以并夾取之并夾

鍼箭具夾讀為甲故司弓矢職曰大射燕射共弓矢并

夾音義夾音甲著直略反鍼其炎疏注釋曰射皆三番

反季其嚴反沈云或作鈔第一番唯有六耦

三耦誘射雖中不獲第二第三皆衆耦共射皆釋獲有取矢之灋先鄭引司弓矢職直有大射燕射不言賓射亦同大射

燕射也

羅氏掌羅烏鳥注烏謂卑居鵲之屬音義

卑音匹又如字

疏注

曰鄭知烏卑居者見小弁詩云弁彼鷩斯歸飛提提注云鷩卑居卑居雅烏云鵲者即山鵲卑居之類云之屬者兼有餘鳥也蜡則作羅襦注作猶用也鄭司農云蜡謂十二

月大祭萬物也郊特牲曰天子大蜡謂歲十二月合聚萬物而索饗之襦細密之羅襦讀為縐有衣絮之縐玄謂蜡建亥之月此時火伏蟄者畢矣射既祭獸可以羅

網圍取禽也王制曰豺祭獸然後田又曰昆蟲已蟄可

以火田今俗放火張羅其遺教音義

襦女俱反或音須注縵同索色白反

絮女居反

疏

注釋曰先鄭所云其義得矣後鄭增成之字又作初言蜡者直取當蜡之月得用細密之網羅

取禽獸故後鄭云此時火伏十月之時火星已伏在戌將蟄者畢矣引王制者證十月蜡祭後得火田有張羅之事云今俗放火張羅其遺教者漢之俗間在上放火於下張羅承之以取禽獸是周禮之遺教則知周時亦

上放火下張羅也

中春羅春鳥獻鳩以養國老行羽物注春鳥

蟄而始出者若今南郡黃雀之屬是時鷹化為鳩鳩與

春鳥變舊為新宜以養老助生氣行謂賦賜音義

中音仲

疏注釋曰此文仲春行羽物按司裘職云仲秋獻良裘王乃行羽物彼注云仲秋鳩化為鷹仲春鷹化為鳩

順其始殺與其將止而大班羽物若然則一年二時行羽物但彼注云此羽物小鳥鶉雀之屬鷹所擊者此注

云春鳥若今南郡黃雀之屬不同者各舉一邊互見其義

掌畜掌養鳥而阜蕃教擾之注阜猶盛也蕃蕃息也鳥

之可養使盛大蕃息者謂鵠鶩之屬音義

蕃音燔注同鵠五何反鶩

音疏注釋曰云鳥之可養使盛大蕃息者謂鵠

鶩之屬者鶩即今之鴨民間所畜故云焉祭祀共

卵鳥注其卵可薦之鳥音義

卵劉本作卯音卵

疏

注釋曰還謂上經鶩鶩之

屬其鷄亦在焉歲時貢鳥物注鶩鴈之屬以四時來疏

注釋曰不言鶩



鷩鷩者所畜非貢物故以野鳥為貢者也**共膳獻之鳥**注雉及鷩鷩之屬音

**義鷩**音純音如**疏**注釋曰此言堪膳而獻者惟有此等是以

鷩鷩云之屬者更有餘鳥也

周禮注疏卷三十

周禮注疏卷三十考證

司勳大功司勳藏其貳疏鄭知功書藏於天府者天府職文也○臣人龍按春官天府無此文鄭以意度之耳疏語未詳何據

惟加田無國正疏載師又有仕田○考載師職有士田無仕田

又少牢特牲是大夫有田者○牢監本訛宰今改正  
第大夫下應增士字

量人凡祭祀饗賓疏毛云傳火曰燔○傳監本訛傳今  
考詩生民篇傳改正

掌喪祭奠窆之俎實疏謂苞牲取下體葦苞一是也○  
監本苞訛包一訛二今考既夕篇改正

小子凡沔辜疏九門者王之五門外有國門近郊門遠  
郊門關門為九○關監本訛闕今改正

環人掌致師注御下柄馬掉鞅而還○柄監本訛柄左  
傳作兩今依釋文改正又皆行其所聞而復之左傳

無之字

巡邦國搏諜賊疏此諜賊即上軍慝之類彼據王國此據邦國故異言之○監本脫王國此據四字既與上察軍慝節對言則當有二者相形明矣今補正

射人以射灋治射儀注治射儀謂肆之也○攷古肆字亦作肆又疏張皮侯而棲鵠監本脫侯字今据考工記補之

會同朝覲作大夫介凡有爵者疏鄭讀作如作止爵之

作者讀從特牲少牢三獻作止爵○臣紱按三獻作止爵特牲之文非少牢也

周禮注疏卷三十考證

謹案第二頁前三行疏任遠郊之地刊本任訛在  
今改


第十三頁前五行疏檣燎實柴刊本檣訛猶今改  
第十九頁後二行疏出諸輶輅刊本輶亦訛輅今  
改

第三十四頁前四行疏亦有斬牲徇陳之事刊本  
徇訛巡今改

欽定四庫全書







覆校官編修臣劉種之

校對官編修臣李光雲

謄錄監生臣陳葆光

欽定四庫全書薈要

經部

周禮注疏卷三十一

詳校官原任侍講臣王燕緒



欽定四庫全書薈要卷一千八百八十四

經部

周禮注疏卷三十一

漢鄭氏注 唐陸德明音義 賈公彥疏

夏官司馬下

司士掌羣臣之版以治其政令歲登下其損益之數辨

其年歲與其貴賤周知邦國都家縣鄙之數卿大夫士

庶子之數注損益謂用功過黜陟者縣鄙鄉遂之屬故

書版為班鄭司農云班書或為版版名籍音義

版音疏

釋曰云掌羣臣之版者謂畿內朝廷及鄉遂都鄙羣臣名籍云以治其政令者即損益之數辨其年歲貴賤之等是也云歲登下其損益之數者三年黜陟者是也云辨其年歲者知羣臣在任及年齒多少也云與其貴賤者大夫已上貴士已下賤也云周知邦國都家者邦國謂周之千七百七十三國也都家謂天子畿內三等采地大都小都家邑是也先邦國後都家者尊諸侯故也亦如大宰云布治于邦國都鄙亦先邦國也縣鄙者謂去王國百里外六遂之中也不言六鄉者舉遠以包近云卿大夫士者即謂朝廷及邦國都家縣鄙之臣數總言之也云士庶子者亦如宮伯卿大夫之子謂適子庶子其支庶宿衛王宮者也云之數者邦國以下總結之也注釋曰云損益謂用功過黜陟者即三年大比以功過黜陟者也云縣鄙鄉遂之屬者縣鄙屬遂故云之屬其中兼鄉中之州以詔王治注告王所當進退音義

直治

吏反下注

疏

注釋曰知詔王治是告王所當進退者司士掌羣臣之數只為賞罰進退以勗勵之

故知告王治唯

謂進退之也 以德詔爵以功詔祿以能詔事以久奠

食注德謂賢者食稍食也賢者既爵乃祿之能者事成

乃食之王制曰司馬辨論官材論進士之賢者以告於

王而定其論論定然後官之任官然後爵之位定然後

祿之音義

奠音定乃食音嗣其論魯疏釋曰云以德詔頓反下同又如字任音壬爵以功詔祿者

據賢者試功之後其德堪用乃詔王授之以正爵有功  
乃詔王授之以正祿也云以能詔事以久奠食者奠定  
也據能者先試之以事事成乃定以稍食其能堪用乃  
後亦詔授之以正爵祿注釋曰云德謂賢者即大司徒

云以鄉三物教萬民而賓興之三物謂六德六行六藝有六德六行即為賢者有六藝即為能者鄉大夫云三年則大比而興賢者能者鄭云賢者有德行者能者有道藝者云食稍食也者月給食不併給故云稍食也云賢者既爵乃祿之者以經先云以德詔爵後云詔祿也云能者事成乃食之者以經先云詔事久乃定之以食也此二者互見其事自古以事任之者皆試乃爵之則賢者有先試之以事乃後詔爵能者既試有功亦授之以爵所以賢者先言正爵能者先言試事者欲見尊敬賢者故先言正爵卑退能者故先言試事故云賢者既爵乃祿之能者事成乃食之也引王制者欲見能者須試乃授正爵之義云辨論官材者司馬使司士分辨其論官其材之灋云論進士之賢者以告於王而定其論者進士謂學中之造士業成可進受官爵升之於司馬則曰進士司馬乃試論量考知賢者告王乃定其論云論定然後官之者謂試官也云任官然後爵之者謂正

爵也云位定然後祿之者謂正祿也此即先試乃爵之事也

惟賜無常注賜多少由

王不如祿食有常品疏

注釋曰按司勳云凡賞無常輕重視功彼謂有勳勞據功大小

與之賞此不據功但時王有恩而賜之故多少由王不由功大小也云不如祿食有常品者按王制下士視上農夫食九人中士倍下士上士倍中士大夫倍上士之等是祿有常品上云以久奠食稍食亦月月有常品也

正朝儀之位辨其貴賤之等王南鄉三公北面東上孤

東面北上卿大夫西面北上王族故士虎士在路門之

右南面東上大僕大右大僕從者在路門之左南面西

上注此王日視朝事於路門外之位王族故士故為士

晚退留宿衛者未嘗仕雖同族不得在王宮大右司右

也大僕從者小臣祭僕御僕隸僕音義

正朝直遙反注下皆同後內朝

外朝朝聘朝覲視朝朝位之類倣此以意求之鄉疏釋

許亮反下注同大音泰下倣此宿音夙劉息就反

經所云上者皆據近王為上不據陰陽左右也注釋曰

云此王日視朝事於路門外之位者對彼大僕職路寢

庭有燕朝朝士職庫門外有外朝而言也但彼外朝斷

獄樊訟并三詢之朝有諸侯在焉諸侯既在西方右九

棘之下孤避之在東方羣臣之位西面也其餘三公卿

大夫等仍與此位同也云王族故士故為士者此云故

為士對新升試士未得正爵者為新士不得留宿衛也

云晚退留宿衛者宿衛之人皆不得與凡平羣臣同時

出故云晚退留宿衛者必知此故士是宿衛者以其與虎

士同位明是宿衛者也云未嘗仕雖同族不得在王宮



者以經稱王族故士明非仕者不得在王宮也知大右是司右者按司右掌羣右此云大右是右中之大明是司右也知大僕從是小臣祭僕之等者以其云大僕從者謂從大僕按大僕職下即有小臣祭僕御僕隸僕等皆是小臣

司士擯注詔王出揖公卿大夫以下朝者音

義

擯必疏

注釋曰知擯是詔王出揖公卿大夫以下朝

刃反者以其王迎諸侯為擯是大宗伯及小行人肆師之等非司士之職此文云公卿大夫士等朝事下文云王揖此中間云司士擯明為詔王出揖之事也

孤卿特揖大夫以其等旅揖士旁三揖王還揖門左揖

門右注特揖一一揖之旅衆也大夫爵同者衆揖之公

及孤卿大夫始入門右皆北面東上王揖之乃就位羣

士及故士大僕之屬發在其位羣士位東面王西南鄉而揖之三揖者士有上中下王揖之皆逡遁既復位鄭司農云卿大夫士皆君之所揖禮春秋傳所謂三揖在

下音義

逡七巡反  
遁音巡

疏

注釋曰此皆先入應門右北面其士入應門即就西方東面位不待

王揖其大夫已上皆待王揖乃就位也云特揖一一揖之者對旅揖衆揖之也孤得揖乃就西方東面位卿得揖乃就東方西面位大夫得揖乃就卿後西面位云大夫爵同者衆揖之者序官有中大夫下大夫無間多少但爵同者衆揖之爵同中大夫同得一揖爵同下大夫同得一揖故云爵同者衆揖之也云公及孤卿大夫始入門右皆北面東上者此王臣無正文約燕禮大射諸侯禮卿大夫皆始入門右北面東上得揖乃就位士發

在其位故知王臣亦然是以鄭云王揖之乃就位羣士及故士大僕之屬發在其位若在外朝士從東方西面也云羣士位東面王西南鄉而揖之者但上經不見羣士位鄭知羣士位東面者亦約燕禮大射諸侯之士西廂東面而知且約故士虎士宿衛者門西南面明士不宿衛者東面可知位既東面明知旁三揖者西南鄉揖之云三揖者士有上中下者序官文既有三等故旁三揖耳按禮器有以少為貴者諸侯視朝大夫特士旅之此云大夫旅與彼不同者彼諸侯臣少大夫與卿同特揖士乃旅揖之此天子臣多故大夫亦旅揖亦是以少為貴也云王揖之皆遠遁者約鄉黨而知云既復位者謂得揖乃皆復位也若然上文別三公位及此經不言三公直言孤卿者亦舉輕以明重孤卿尚特揖明三公亦特揖可知故不見三公也先鄭引春秋者哀二年左氏傳初衛侯遊於郊子南僕公曰余無子將立女不對他日又謂之對曰郟不足以辱社稷君其改圖君夫人

在堂三揖在下君命祇辱注云三揖大僕前注前正王

視朝之位疏

注釋曰鄭知前謂前正王視朝之位者以大僕職云王視朝則前正位而退入亦如

之上文引大僕位在門左南面今云前明從本位前就王正視朝之位可知也王入內朝皆退

注王入入路門也王入路門內朝朝者皆退反其官府

治處也王之外朝則朝士掌焉王藻曰朝服以日視朝

於內朝朝辨色始入君日出而視之退適路寢聽政使

人視大夫大夫退然後適小寢謂諸侯也王日視朝皮

弁服其禮則同疏

注釋曰王視朝訖王入路門於路寢聽事其羣臣等各退向治事之處云

王之外朝則朝士掌焉者鄭欲見天子諸侯皆有三朝之意王藻諸侯禮云朝於內朝者謂路門外朝為內朝對臯門內應門外朝為外朝通路寢庭朝為三朝故朝士職注云周天子諸侯皆三朝外朝一內朝二也云王日視朝皮弁服者司服職文對諸侯視朝朝服則玄冠緇布衣素裳緇帶素鞶也云其禮則同者天子諸侯惟服別其視朝之禮則同也

**掌國中之士治凡其戒令注國中城中疏**

注釋曰云國中之士治者謂朝廷之臣及六鄉之臣皆是所有治功善惡皆掌之以擬黜陟此城中士則卿大夫總皆號為士若濟濟多士文王以寧之類但比同士士既總屬則此一職士者皆臣總號惟有作士適四方使為介士者是單士不兼卿大夫故引石尚證又作六軍之士是甲士其餘皆臣之總號耳

**掌擯士**

者膳其摯注擯士告見初為士者於王也鄭司農云膳

其摯者王食其所執羔鴈之摯玄謂膳者入於王之膳

人音義

見賢遍反食疏注釋曰此云士亦是卿大夫士如字劉音嗣總號為士云擯士告見初為士

者於王也者謂初得命為卿大夫士執摯見於王司士擯相之使得見王也先鄭云膳其摯者王食其所執羔鴈之摯後鄭增成其義也云膳者入於王之膳人故其職云凡祭祀致福受而膳之以摯見者亦如之是也

凡祭祀掌士之戒令詔相其灋事及賜爵呼昭穆而進

之注賜爵神惠及下也此所賜王之子姓兄弟祭統曰

凡賜爵昭為一穆為一昭與昭齒穆與穆齒凡羣有司

皆以齒此之謂長幼有序音義

相息亮反昭上招疏釋反後同長丁丈反

云凡祭祀掌士之戒令者謂羣臣有事於祭祀皆掌其齊戒告令也云詔相其灋事者謂告語并擯相其行禮之事云及賜爵者謂祭末旅酬無算爵之時皆有酒爵賜及之皆以昭穆為序也注釋曰鄭知賜爵神惠及下者祭統云祭有十倫之義凡賜爵昭為一穆為一神惠及下也云此所賜王之子姓兄弟者以其呼昭穆而進之云昭穆明非異姓是同姓可知姓生子之子之所生則孫及兄弟皆有昭穆引祭統是諸侯灋明天子亦然凡言昭穆在助祭之中者皆在東階之前南陳假令祖行為昭子行為穆孫行還為昭曾孫行還為穆就昭穆之中皆年長者在上年幼者在下故云齒也

帥其屬而割牲羞俎豆注割牲

制體也羞進也疏

釋曰此割牲兼羞俎豆不言祭祀享食之事則凡有割牲及進俎豆者皆

為之注釋曰言割牲制體也者若據祭祀則禮運云腥其俎孰其穀體其夫豕牛羊之類鄭彼注云腥其俎謂

豚解而腥之為七體是也孰其穀謂體解而爛之為二  
十一體是也體其犬豕牛羊鄭云謂分別骨肉之貴賤  
以為衆俎也更破使多熟而薦之若據饗則左氏傳云王饗有體薦燕有折俎是也凡會同作士

從賓客亦如之注作士從謂可使從於王者音義

從才用反

注并諸子職同疏

注釋曰云作士從者謂選可使從於王者此士亦謂卿大夫皆是也

作士適四

方使為介注士使謂自以王命使也介大夫之介也春

秋傳曰天王使石尚來歸賑音義

使色吏反又如字注士使命使同介音戒

賑上疏注釋曰云士使謂自以王命使也者此即行夫軫反職云美惡而無禮者即有使士特使灋即使士

與行夫等共行是以引石尚之事為證云介大夫之介也者謂聘禮大夫為次介其餘皆士介天子使大夫下



聘諸侯亦使士為介若使卿大夫則射人作之故射人云有大賓客作卿大夫從注云作者使從王見諸侯彼雖不云會同明會同亦與賓客同可知也春秋者左氏公羊皆有其事故公羊云石尚者何天子之士也注云天子上士以名氏通是也

大喪作士掌事注事謂奠斂之屬音義斂力

豔疏注釋曰始死則有奠及至小斂大斂朝夕朔月月反疏半薦新遷廟祖奠大遣奠等皆是未葬已前無尸不忍異於生皆稱奠葬後反日中而虞有尸即謂之為祭此經直云事不云祭祀明據奠斂之屬也

作六軍之士執披注作謂使之也披柩車行所以披持棺者

有紐以結之謂之戴鄭司農云披者扶持棺險者也天子旁十二諸侯旁八大夫六士四立謂結披必當棺束

於東繫紐天子諸侯戴柩三束大夫士二束喪大記曰  
君纁披六大夫披四前纁後玄士二披用纁人君禮文  
欲其數多圍數兩旁言六耳其實旁三音義

披方寄疏反注同

注釋曰云六軍之士者即六鄉之民以其鄉出一軍六鄉故名六軍之士也但鄭以天子千人而云六軍者以天子千人出自六軍故號六軍之士非謂執披有七萬五千人也云披柩車行所以披持棺者柩車則蜃車云披者車兩旁使人持之若四馬六轡然故名持棺者為披也云有紐以結之謂之戴者喪大記云纁戴者是也先鄭云披者扶持棺險者也者先鄭意蜃車行恐逢道險者有傾覆故云扶持棺險也云天子旁十二諸侯旁八大夫六士四者無所依據後鄭不從玄謂結披必當棺束於東繫紐者謂蜃車兩旁皆有柳材其棺皆以物

東之故云天子諸侯戴柩三東大夫士二東彼喪大記不言天子此言者欲見天子無文約與諸侯同也謂之戴者彼大記注云戴之言值也所以連繫棺束與柳材使相值因而結前後披也披結於紐故引喪大記君纁披六已下其屨車柳材與中央棺束數等人君三大夫士二大記云君纁披六大夫四披者皆是禮文故圍數兩旁言六言四也士禮小無文故據一旁而言二若然大夫亦圍數兩旁言四直云人君者據尊者而言也

凡士之有守者令哭無去守注守官不可空也音義

劉守

手又反疏釋曰此文承大喪之下令哭無去守則大夫下皆同疏士有使役當守雖同為天子斬衰不可廢事空官故令哭國有故則致士而頒其守注故非喪則兵不得去守也

災疏注釋曰知非喪者以上文已凡邦國三歲則稽士

言大喪明此是兵災非喪也

任而進退其爵祿注任其所掌治疏

釋曰此言稽士任文承邦國即是邦

國之卿大夫士總曰士也據其所任治而進退其爵祿但諸侯之臣進退應是諸侯當國為之今於天子司士而言者但司士作灋與之使諸侯自黜陟耳非謂司士自黜陟也

諸子掌國子之倅掌其戒令與其教治辨其等正其位

注故書倅為卒鄭司農云卒讀如物有副倅之倅國子謂諸侯卿大夫士之子也燕義曰古者周天子之官有庶子官與周官諸子職同文立謂四民之業而士者亦世焉國子者是公卿大夫士之副貳戒令致於天子之

事教治修德學道也位朝位音義

倅七內反治直吏反注同大子音泰下注

同疏

釋曰云掌國子之倅者倅謂副代父則國子為副代父者也注釋曰先鄭云國子謂諸侯卿大夫士

之子也者王制云王大子王子羣后之大子卿大夫元士之適子皆造焉則王大子王子亦曰國子不言者彼不據諸子職而言故含有王大子王子亦以四術成之故文王世子成王猶在學學君臣父子長幼之禮也此據諸子主國子致與大子使用故不得通王大子王子也引燕義云古者周天子之官有庶子官與周官諸子職同文者彼燕義本釋燕禮之事但燕禮有庶子執燭及獻庶子之文更不見餘義故記人欲釋燕禮庶子之義故取天子諸子職解庶子諸庶俱訓為衆天子之諸子諸侯之庶子皆掌卿大夫士之適子適子衆多故云諸或言庶諸庶通名故天子諸子為庶子也玄謂四民之業而士者亦世焉者此齊語桓公謂管仲曰成民之

事若何管仲對曰民無使雜處公曰處士農工商若何管仲曰昔者聖王之處士就閑燕處工就官府處商就市井處農就田野少而習焉其心安焉士之子恒為士農之子恒為農工之子恒為工商之子恒為商是四民之業為世也引之者見士之子亦入倅中也按王制大夫不世今亦有倅入世者以大夫有功德亦得世故詩云凡周之士不顯亦世也云國子者是公卿大夫士之副貳者增成先鄭義云戒令致於大子之事者即下文是也云教治修德學道也者云教故知修德學道也經云辨其等謂才藝高下等級也國子所學道德即師氏職三德三行并保氏六藝者是也云位朝位者謂朝大子時依父蔭高下為列也

國有大事則

帥國子而致於大子惟所用之若有兵甲之事則授之

車甲合其卒伍置其有司以軍灋治之司馬弗正注軍

灋百人為卒五人為伍弗不也國子屬太子司馬雖有

軍事不賦之音義

卒子忽反前後注及下疏釋曰云大皆同正音征下國正同

疏釋曰云大事下有兵

甲之事則此大事謂祭祀也故左氏傳云國之大事在祀與戎此經二事當之也注釋曰軍灋從五人為伍至

萬二千五百人為軍有六節今注直云百人與五人略舉之耳云不賦之解經正為賦稅謂不賦田稅泉稅者

也凡國正弗及疏

釋曰上文云弗正謂兵賦此云國正謂鄉遂之中所有甸徒力征之等並

不及大祭祀正六牲之體注正謂札載之疏

注釋曰按特牲少牢

移鼎入陳即有一人鼎中七出牲體一人在鼎西此面載之於俎既言正六牲之體明是此二事也凡樂

事正舞位授舞器注位佾處疏

釋曰云凡樂事者則諸作樂有舞之處皆使正

舞人八八六十四人之位併授舞者之器文舞則授羽  
籥武舞授干鉞之等注釋曰云位侑處者即謂天子八  
侑諸公六侑諸侯四侑之等也大喪正羣子之服位會同賓客作羣子

從注從於王疏

釋曰云大喪正羣子之服位者位謂在  
殯宮外內哭位也正其服者公卿大夫

之子為王斬衰與父同故雜記大夫之子得行大夫禮  
是也云會同賓客作羣子從者作使也使國子從王也

凡國之政事國子存遊倅使之脩德學道春合諸學秋

合諸射以攷其藝而進退之注遊倅倅之未仕者學大

學也射射宮也王制曰春秋教以禮樂冬夏教以詩書

王太子王子羣后之太子卿大夫元士之適子國之後



選皆造焉音義

適丁歷反

疏

釋曰云凡國之政事者謂國內有繇役之事皆是也云國子存

國子存遊暇無事之倅中使脩德學道二事也云春合諸學者謂於大學之中使之學也云秋合諸射者使在射宮習射也云以考其藝者考校才藝長短云而進退之者才藝長進與官爵才藝短者退之使更服膺受業也注釋曰倅是副代已是未在仕復云遊遊是游暇亦是未仕之稱云

學大學也者周禮若言異代之學則舉其學名即成均瞽宗之類今此直言學明是周之大學也周禮文大學在國中即夏后氏東序在王宮之左也云射射宮也者射義云已射於澤然後射於射宮射宮即國之小學在西郊則虞庠是也王制曰春秋教以禮樂冬夏教以詩書者按彼鄭注云春夏陽也詩樂者聲聲亦陽也秋冬陰也書禮者事事亦陰也因時順氣於功易成也云王大子王子羣后之大子卿大夫元士之適子國之俊選

皆造焉者若王之子得適庶俱在學若羣后畿內諸侯已下則庶子賤不得在學故皆云適子也引之者證貴賤皆在教科也

司右掌羣右之政令注羣右戎右齊右道右音義

齊側皆反

疏

注釋曰知司右主此三右者按下文云車有五等右惟三故下注云齊右兼王路之右戎右兼田右等也

凡軍旅會同合其車之卒伍而比其乘屬其右注合比

屬謂次第相安習也車亦有卒伍音義

比毗志反注同乘繩證反屬音

燭注疏釋曰云軍旅據征伐會同謂時見曰會殷見曰同三者皆合車之卒伍注釋曰云合比屬謂次

第相安習也者皆謂教習使安穩也云車亦有卒伍者按宣十二年傳云其君之戎分為二廣廣有一卒卒偏

之兩司馬灋曰二十五乘為偏又云以百二十五乘為伍注伍重故百二十五乘是其車之卒伍也 凡國

之勇力之士能用五兵者屬焉掌其政令注勇力之士

屬焉者選右當於中司馬灋曰弓矢圍及矛守戈戟助

凡五兵長以衛短短以救長音義及音殊 疏注釋曰云勇

者選右當於中者但車右須得勇力之士若選右不於中何因屬司右故鄭為此釋也引司馬灋曰弓矢圍者

圍城時也及矛守者守城時也戈戟助者謂圍守皆用戈戟助之云凡五兵長以衛短短以救長者圍者以弓

矢為長戈戟為短守者亦以戈戟為短以及矛為長故云長以衛短短以救長使力相得也此五兵據勇力之

士所用下注車之五兵則無弓矢而有夷矛是也

虎賁氏掌先後王而趨以卒伍注王出將虎賁士居前

後雖羣行亦有局分音義

賁音奔劉方問反先悉薦反後戶豆反又皆如字將子匠

反分扶

疏

釋曰鄭云王出將虎賁士居前後雖羣行亦問反有局分者以經云卒伍則是五人為伍百人

為卒又按序官云虎賁氏下大夫二人中士十有二人府二人史八人胥八十人虎士八百人是其雖羣行亦

有局分置卒伍是也

軍旅會同亦如之舍則守王闕注舍王出所

止宿處闕

桎

音義

桎薄禮反

疏

注釋曰鄭云舍王出所止宿處者按掌舍

云掌王之會同之舍則設桎再重杜子春以為行馬後鄭云行馬再重者以周衛有外內列校人職養馬曰

闕是其闕與桎皆禁衛之物故以闕為桎桎釋之也

王在國則守王宮注為周

衛疏

注釋曰在外守王闕為周衛明在國亦為周衛也

國有大故則守王門大

喪亦如之注非常之難要在門音義

難乃疏注釋曰大且反故謂兵災

大喪謂王喪二者皆是非常之難須警備故云要在門也

及葬從遣車而哭注遣車

王之魂魄所馮依音義

從才用反下并節服氏從疏注車從尸車同馮皮冰反

曰遣車者將葬盛所苞奠遣送者之車其車內既皆有牲體故云王之魂魄所馮依遣車多少之數天子無文

按雜記云遣車視牢具鄭注云多少各如所苞遣奠牲體之數按檀弓云國君七个遣車七乘大夫五个遣車

五乘鄭云諸侯不以命數喪數略也士無遣車大夫五乘諸侯七乘天子宜九乘故鄭注雜記云天子大牢苞

九個遣車九乘苞肉皆取大遣奠之牲體天子大牢外更用馬牲皆前脰折取臂臠後脰折取脰苞肉各九個

皆細分其體以充數也

適四方使則從士大夫注虎士從使者音

義

使所吏反注及下同

疏

釋曰天子有下聘諸侯灋大行人所云歲徧問之等時則使虎賁從行也

若

道路不通有徵事則奉書以使於四方注不通逢兵寇

若泥水奉書徵師役也春秋隱公七年冬我伐凡伯于

楚丘以歸疏

注釋曰云奉書徵師役也者若兵寇則徵師若泥水則徵役引春秋者按左氏傳云

初戎往朝周周大夫皆發禮禮戎惟凡伯不禮焉後凡伯至魯戎則要而伐之故云戎伐凡伯於楚丘以歸是

其事也

旅賁氏掌執戈盾夾王車而趨左八人右八人車止則

持輪注夾王車者其下士也下士十有六人中士為之

帥馬音義

盾常準反又音允夾古疏注釋曰知夾王車洽反劉古協反後倣此是下士十六人者

見序官云旅賁氏中士二人下士十有六人此經左右十六人故知是旅賁氏之下士也中士是官首明為之也帥凡祭祀會同賓客則服而趨注服而趨夾王車趨也

會同賓客王亦齊服服袞冕則此士之齊服服玄端疏

注釋曰知服而趨是夾王車者約上文夾王車而趨故知也云會同賓客王亦齊服服袞冕者見下文節服氏

云掌祭祀朝覲袞冕鄭云從王服朝覲服袞冕則會同賓客亦服袞冕故覲禮天子袞冕負黼宸是也云則此

士之齊服服玄端者若士助祭服喪紀則袞葛執戈盾爵弁此為會同故齊服服玄端

注葛葛經武士尚輕音義

衰七疏注釋曰臣為王貴賤雷反皆斬衰斬衰麻經至

葬乃服葛今王始死即

軍旅則介而趨注介被甲音義

服葛故云武士尚輕

介音戒被疏釋曰在軍為甲士著甲餘者不服甲皮偽反但此旅賁勇士衛王故被甲而趨也

節服氏掌祭祀朝覲袞冕六人維王之太常注服袞冕

者從王服也維維之以縷王旌十二旒兩兩以縷綴連

旁三人持之禮天子旌曳地鄭司農云維持之疏注釋曰云

服袞冕者從王服也者以其節服氏者世能節王之衣服明節服所服與王同故云從王服也云維維之以縷者以其言維維是連綴之名故知用縷連綴之也云王旌十二旒者中車云王路建太常十有二旒經云六人



維之明一畔有三人三人維六旒故知兩兩以縷連旁  
三人持之云禮天子旌曳地者禮緯文引之者若不遺  
維持之則旒  
曳地故也 諸侯則四人其服亦如之郊祀裘冕二人

執戈送逆尸從車注裘冕者亦從尸服也裘大裘也凡

尸服卒者之上服從車從尸車送逆之往來春秋傳曰

晉祀夏郊董伯為尸疏

釋曰依禮緯含文嘉云天子旌九仞十二旒曳地諸侯七仞九

旒齊軫大夫五仞五旒齊較士三仞三旒齊首彼或異代灋故旒不依命數周之諸侯之旌皆交龍為之上公九旒侯伯則七旒子男則五旒今總云四人則不得兩兩維之但一畔有二人分而維之見威儀耳云其服亦如之者節服氏之服亦與諸侯同諸侯惟二王後與魯得祭天服衮冕其餘諸侯惟得祭宗廟服玄冕節服氏

皆與君同服故云其服亦如之注釋曰尸服與王同大裘節服氏亦大裘故二人皆裘冕執戈送逆尸云從車者送逆皆從尸車後云凡尸服卒者之上服者按士虞記云尸服卒者之上服注云上服如特牲士玄端也不以爵弁服為上者祭於君之服非所以自配鬼神彼據臣卒者上服以家祭上服不得用助祭服此據王自然用卒者家祭上服服大裘也  
引春秋傳者是外傳晉語文

方相氏掌蒙熊皮黃金四目玄衣朱裳執戈揚盾帥百隸而時難以索室毆疫注蒙冒也冒熊皮者以驚毆疫

癘之鬼如今魃頭也時難四時作方相氏以難卻凶惡

也月令季冬命國難索廋也音義

難乃多反注同毆起俱反魃音欺

疏

注釋曰云時讎四時者按月令惟有三時讎是以月令  
季春云命國讎以季春日歷大梁有大陵積尸之氣與  
民為厲命有國者讎仲秋云天子乃讎時斗建酉亦有  
大陵積尸之氣此月讎陽氣陽氣至此不止害將及人  
惟天子得讎諸侯亦不得季冬云乃命有司大讎言大  
則及民庶亦讎惟有此三時讎鄭云四時者雖三時亦  
得云四時總言之也若然此經所讎據十二月大讎而  
言是以鄭引季冬為證也鄉黨鄉人讎郊特牲云鄉人  
楊亦皆據十二月  
民庶得讎而言也  
大喪先匱注葬使之道音義先悉薦反匱音  
柩道音疏釋曰喪所多有凶  
導下同邪故使之導也  
及墓入壙以戈擊四隅歐

方良注壙穿地中也方良罔兩也天子之椁柏黃腸為

裏而表以石焉國語曰木石之怪夔罔兩音義

壙苦晃反又音

曠方音罔良音兩注同疏注釋曰必破方良為罔兩者又竝如字夔求龜反入曠無取於方良之義故也云天子之椁柏黃腸為裏而表以石馬者欲見有罔兩之義故引漢灋為證又檀弓云天子椁柏以端長六尺言椁柏則亦取柏之心黃腸為椁之裏故漢依而用之而表之以石古雖無言漢亦依古而來蓋周時亦表以石故有罔兩也云國語者按國語水之怪龍罔象木石之怪夔罔兩則知方良當為罔兩也

大僕掌正王之服位出入王之大命注服王舉動所當

衣也位立處也出大命王之教也入大命羣臣所奏行

疏注釋曰云服王舉動所當衣也者謂王吉服有九隨事舉動而衣大僕親近王所之官故王之衣服及位

處恐其不正故皆正之也云位立處也者王之起居無常或起居行事之時多以立為正故以立處言之也云

出大命王之教也者一日萬幾有其出者皆是王之教也云入大命羣臣奏行者謂羣臣奉行王命報奏者皆是也掌諸侯之復逆注鄭司農云復謂奏事也逆謂受下

奏疏

注釋曰按宰夫職云諸臣之復萬民之逆先鄭云復請也逆迎受王命者立謂復之言報也反也反

報於王謂朝廷奏事自下而上曰逆逆謂上書先鄭彼

注與此不同者先鄭兩解故彼後鄭不從至此注先鄭

於義是故後鄭從之此說先鄭云復謂奏事即彼後鄭

云復謂朝廷奏事一也此先鄭云逆謂受下奏即彼後

鄭云自下而上曰逆謂上書亦一也王祗朝則前正位而退入亦如之注

前正位而退道王王既立退居路門左待朝畢疏

注釋曰云

前正位而退道王王既立退居路門之左待朝畢者此即上司士所云大僕前亦一也大僕本位在路門之左

今進前正位訖還退在本位故云退居路門左也云待朝畢者欲入亦如之王退入路寢聽事時亦前正王位却位建路鼓于大寢之門外而掌其政注大寢路寢也立也

其門外則內朝之中如今宮殿端門下矣政鼓節與早

晏疏

注釋曰此鼓所用或擊之以聲早晏或有窮遽者擊之以聲寃枉也故建之於正朝之所也云大寢

路寢也者欲見在路寢門外正朝之處云其門外則內朝之中者按玉藻云視朝於內朝羣臣辨色始入彼諸侯禮天子亦然若據文王世子亦得謂之外朝故文王世子云其朝於公內朝臣有貴者以齒其在外朝則以官彼以路門外為外朝者對路寢庭朝為外朝其實彼外朝亦內朝耳以其天子諸侯皆內朝二外朝一既以三槐九棘朝為外朝一以待達窮者與遽令聞鼓聲則明此內二者皆內朝也

速逆御僕與御庶子注鄭司農云窮謂窮究失職則來

擊此鼓以達於王若今時上變事擊鼓矣遽傳也若今

時驛馬軍書當急聞者亦擊此鼓令聞此鼓聲則速逆

御僕與御庶子也大僕主令此二官使速逆窮遽者玄

謂達窮者謂司寇之屬朝士掌以肺石達窮民聽其辭

以告於王遽令郵驛上下程品御僕御庶子直事鼓所

者大僕聞鼓聲則速逆此二官當受其事以聞音義

遽其

據反寃於元反上變時掌反傳張戀反下文同急

疏釋

聞如字劉音問肺芳廢反遽令力呈反郵音尤

云以待者大僕在王所恒於路寢之中若有窮者及遽令二者來擊此鼓其御僕御庶子直在鼓所者則入告大僕大僕迎此二官以所告之事白王故云聞鼓聲則速逆御庶子也注釋曰先鄭以令字下讀為句云大僕主令此二官使速逆窮遽二者後鄭不從者若使御僕御庶子迎窮與遽則二官自白王不告于大僕事何得在大僕職者乎以是故後鄭以為大僕聽其辭自白王後鄭以達窮是朝士者以其朝士職有在肺石達窮民窮民先在肺石朝士達之乃得擊鼓故本之也知御僕御庶子直事鼓所者見御僕云以序守路鼓云御庶子者蓋以御僕有下士十二人分祭祀賓客喪紀正王之為御庶子總名曰御僕也

服位詔灋儀贊王牲事注詔告也牲事殺割七載之屬

疏注釋曰經三事皆有灋度威儀故須大僕告之云牲事殺割者言殺據祭祀之時王親自射牲故司弓矢



云共王射牲之弓矢注云射牲示親殺殺牲非尊者所親惟射為可殺時大僕及射人太宰等皆贊之國語云禘郊之事天子必親自射牲彼據祭天司弓矢云凡祭祀言凡語廣則祭社稷宗廟亦射牲也知有割牲者郊特牲云君肉袒親割敬也注云割解牲體禮器云君親割牲夫人薦酒注云親割謂進牲熟體時祭統亦云君執鸞刀羞齎彼據諸侯明天子亦然云七載者按易震卦象云震驚百里不喪七鬯注云雷發聲百里者諸侯之象人君於祭祀之禮七牲薦鬯而已其餘不親彼諸侯親七明天子亦然是以大僕得有贊牲之事少牢不親七下人君故也特牲

王出入則自左馭而前驅注前驅如今道引也道而居左自馭不參乘辟王也亦有車

右馮音義

乘繩證反辟音避劉符亦反

疏

注釋曰云王出入者謂朝覲會同并凡祭祀巡狩征

伐皆是大僕則在車左不敢使人馭自馭而前驅也若使人馭馭在中央身無事居左大尊故自馭也知亦有車右者以車右恐車傾覆備非常凡軍旅田役贊王鼓雖無尊者亦宜有車右勇力者也

注王通鼓佐擊其餘面疏

釋曰軍旅謂征伐田役謂田獵王皆親鼓故大僕贊之注

釋曰云王通鼓者謂王親將軍衆待王擊乃擊之謂若鼓人云金鐸通鼓之類也云佐擊其餘面者按大司馬云王執路鼓路鼓四面鼓將居鼓下則前面不得擊之惟有四面擊之此大僕佐擊一面戎右亦云贊王鼓則亦擊一面通王自擊一面是三面也若然王與御者并戎右已有三人今更有大僕則駟乘按文十一年侯叔夏御莊叔綿房甥為右富父終甥駟乘彼注云駟乘四人共車與此同也救日月亦如之注

日月食時春秋傳曰非日月之青不鼓音義

青色景反疏釋曰

云亦如之者大僕亦贊王鼓佐擊其餘面但日食陰侵陽當與鼓神祀同用雷鼓也若然月食當用靈鼓但春秋記日食不記月者以日食陰侵陽象臣侵君非常故記之月食陽侵陰象君侵臣故不記此云救日月食時亦擊鼓救可知注釋曰云春秋者左氏莊二十五年日有食之鼓用牲於社彼傳鼓與牲竝譏之云惟正月之朔慝未作日有食之於是乎用幣于社伐鼓于朝若然惟四月正陽之月乃擊鼓彼四月不合擊鼓之月天災有幣無牲故亦譏之也彼傳又云秋大水鼓用牲于門亦非常傳曰非日月之青不鼓若然此言為秋大水擊鼓而故引之者欲見日月食大喪始崩戒鼓傳達于四時皆合擊鼓與此文同也

方窆亦如之注戒鼓擊鼓以警衆也故書戒為駭鄭司農云窆謂葬下棺也春秋傳所謂日中而墉禮記謂之

封皆葬下棺也音相似窆讀如慶封汜祭之汜音義

彼窆

驗反注之封音同劉皆逋疏釋曰言大喪謂王喪始崩

鄧反塤補鄧反汜芳劍反云戒鼓謂擊鼓以警戒衆

人傳達于四方謂以鼓聲相傳聞達四方窆葬之時亦

如始崩也注釋曰引春秋者左氏昭公十二年傳云葬

鄭簡公云毀之則朝而塤不毀則日中而塤禮記謂之

封者喪大記與檀弓皆以下棺為封字云音相似者字

雖不同皆作窆音云讀如慶封汜祭之汜者慶封齊大

夫有罪來奔魯魯以饗食之祭先遂覆豆以祭謂之汜

祭但彼汜字只取廣汜之義鄭縣喪首服之灋于宮門

意讀窆與汜為音同義則異也

注首服之灋謂免髻笄總廣狹長短之數縣其書于宮

門示四方音義

縣音懸注同免疏注釋曰鄭知首服之  
音問髻莊瓜反灋是免髻笄總廣狹

長短之數者按小宗伯已云縣衰冠之式于路門之外  
注云制色宜齊同彼云冠專據男子云衰則兼婦人此

云首服明無衰與男子冠直是婦人首服故知惟有免

髻笄總耳但始死將斬衰者男子笄纒深衣婦人麻髻

并笄總是以喪服斬衰章云女子竹箭笄髻衰三年將

齊衰以下者始死男子免婦人布髻也云廣狹長短者

鄭注禮記云免蓋象冠廣一寸婦人笄齊衰榛木斬衰

箭竹為之也云縣其書於宮門示四方者小宗伯云縣

于路門此宮

門亦路門也 掌三公孤卿之弔勞注王使往音義 勞力

下命勞後 疏 注釋曰此等皆王合親往今使大僕 王燕

弔勞皆同 疏 者或王有故不得親往故使大僕也 王燕

飲則相其灋注相左右音義 下并御僕職同 疏 釋曰此

與諸侯燕若公三燕侯伯再燕子男一燕之等或王與

羣臣燕之等皆是其灋有主人酌酒獻賓賓酢主人主

人酬賓洗爵升降之灋皆左

王射則贊弓矢注贊謂授

右相助王故云相其灋也

之受之疏注釋曰此謂大射也按大射禮云大射正執弓小臣授矢於公既射大射正受弓天子之

禮則大僕授受其灋與彼同必知此禮大射禮者見小臣職云賓射掌事如大僕之灋則知大射此大僕所掌者是也其小臣所掌賓射亦當授受可知

王眡燕朝則正位掌擯相注燕朝

朝於路寢之庭王圖宗人之嘉事則燕朝疏

注釋曰以其路寢安

燕之處則謂之燕朝以其與賓客饗食在廟燕在寢也但與賓客及臣下燕時亦有朝鄭必以王圖宗人嘉事為燕朝者以其因燕而朝賓臣燕禮已有成文圖宗人嘉事之朝不見故鄭特見之云圖宗人嘉事者謂宗人冠婚嘉禮之

王不眡朝則辭於三公及孤卿注辭謂以

等皆曰嘉事

王不視朝之意告之春秋傳曰公有疾不視朔疏

注釋曰引

春秋者文十六年公四不視朔時齊有會公辭疾不往遂不視朔故傳曰公有疾不視朔引之者證不視朝亦是

是有故不視之意也

小臣掌王之小命詔相王之小瀆儀注小命時事所勅

問也小瀆儀趨行拱揖之容疏

注釋曰大僕所云大命及祭祀賓客詔相之者

是大此小臣大僕之佐故掌其小者也云趨行拱揖之容者謂若趨以采齊行以肆夏天子揖同姓之等皆有容儀而

詔相之掌三公及孤卿之復逆正王之燕服位注謂燕

居時也玉藻曰王卒食玄端而居疏

釋曰諸侯是賓客其復逆大僕尊官

掌之三公孤卿是臣在朝廷故小臣掌也注釋曰云燕服位者謂在路寢中聽事訖適後小寢燕居之時故引玉藻卒食玄端而居為證彼在路寢中食訖退適燕寢服玄端朱裳而居之王之燕出入則

前驅注燕出入若今游於諸觀苑音義

觀古疏注釋曰喚反此私燕

出入不要在燕寢中故鄭引漢漚游於諸觀苑證之

大祭祀朝覲沃王盥音義

盥音

管疏釋曰云大祭祀朝覲沃王盥者大祭祀天地宗廟皆是王將獻尸先盥手洗爵乃酌獻故小臣為王

沃水盥手也

小祭祀賓客饗食賓射掌事如大僕之灋注賓

射與諸侯來朝者射疏

釋曰祭祀云小則賓客饗食皆蒙小字若然饗還為小賓客者

也小賓客謂諸侯遣臣聘問天子者也賓射對大射亦為小也注釋曰此云賓射與射人所云諸侯在朝則皆



北面者一也掌士大夫之弔勞疏釋曰大僕掌三公孤卿之弔勞注王使往此不言王

使往亦王使往可知凡大事佐大僕

祭僕掌受命于王以眡祭祀而警戒祭祀有司糾百官之戒具注謂王有故不親祭也祭祀有司有事於祭祀

者糾謂校錄所當共之牲物疏

注釋曰知此是有故使人祭者觀此上文勢得

知故云受命於王以眡祭祀下既祭帥羣有司反命於王以王命勞之明是王合祭有故使人攝之者也既

祭帥羣有司而反命以王命勞之誅其不敬者大喪復

于小廟注小廟高祖以下也始祖曰太廟春秋僖八年

秋七月禘于太廟疏

釋曰大喪王喪也王生時所有事之處皆復此祭僕復小廟其夏采

復太廟其小寢大寢下隸僕復也注釋曰其二祧不言復亦應此祭僕復但無寢耳引春秋者證魯以周公為

太廟其餘凡祭祀王之所不與則賜之禽都家亦如之

注鄭司農云王之所不與謂非郊廟尊祭祀則王不與

也則賜之禽公卿自祭其先祖則賜之禽也玄謂王所

不與同姓有先王之廟音義

與音預注同

疏注釋曰先鄭云王之所不與謂

非郊廟尊祭祀則王不與也後鄭不從者按司服六冕所祭皆王合親為何有非郊廟王不與者乎故不從之先鄭以則賜之禽謂卿大夫自祭其先亦賜之禽後鄭不從者卿大夫自祭其先是其常事何有王皆賜之禽

也故以為同姓有先王廟者若然經都家謂畿內三等采地則文云祭祀是畿外同姓諸侯魯衛之屬者也

凡祭祀致福者展而受之注臣有祭事必致祭肉於君所謂歸胙也展謂錄視其牲體數體數者太牢則以牛

左肩臂臠折九個少牢則以羊左肩七個特牲則以豕

左肩五個音義

胙存古反臠奴報反字林人于反又羊吳反折之舌反个古賀反注同疏

注釋曰所謂歸胙者按左氏傳驪姬欲譖申生謂申生曰齊姜欲食使太子祭祭訖歸胙于公姬置藥而饋公是有歸胙之事也云體數者太牢則以牛左肩臂臠折九個已下並禮記少儀文凡祭祀周人尚右故右臂皆祭以左臂致人祭言太牢天子大夫已上少牢謂天子之士彼注云羊豕不言臂臠因牛序之可知言肩臂臠

折九個者則一體折為三段牲少體不得全自外皆然以人多故也皆用前體者前體貴故先用也

御僕掌羣吏之逆及庶民之復與其弔勞注羣吏府史

以下疏

注釋曰大僕掌諸侯復逆小臣掌三公孤卿復逆此官所云羣吏對庶民是府史以下言以下

兼胥徒若然不見大夫士者小臣孤卿中兼之矣

大祭祀相盟而登注相盟者

謂奉槃授巾與登謂為王登牲體於俎特牲饋食禮主

人降盥出舉入乃七載音義

奉芳勇反為于偽反疏注釋曰上小

云盥明是奉槃授巾以其少宰特牲尸盥時有奉槃授巾之事故云也以無正文故云與以疑之也云登謂為

王登牲體於俎者以其文承祭祀之事故云特牲七載載即登牲體於俎也

大喪持筭注筭

棺飾也持之者夾蜃車音義

妻所甲反蜃辰軫反劉薄忍反

疏

注釋曰依喪大

記注引漢禮妻以木為匡廣三尺高二尺四寸方兩角

高衣以白布畫者畫雲氣謂之畫妻畫之以黼謂之黼

妻之類是也天子用八諸侯用六大夫用四士用二

在路夾蜃車兩旁入壙則樹之四旁故云棺飾也

掌

王之燕令注燕居時之令疏

注釋曰以御侍近臣故使掌燕居時之令施之於外

也以序守路鼓注序更音義

更音庚

疏

注釋曰此即大僕所云速逆御僕與

御庶子者也序更者即上鄭云直事鼓所者也

隸僕掌五寢之埽除糞洒之事注五寢五廟之寢也周

天子七廟惟祧無寢詩云寢廟繹繹相連貌也前曰廟

後曰寢汜埽曰埽埽席前曰拚洒灑也鄭司農云洒當

為灑玄謂論語曰子夏之門人當洒埽應對音義

埽素報反

注汜埽洒埽同除如字劉直庶反糞方問反洒所買反

劉霜寄反桃勅彫反拚方問反本又作扮同灑所買反

劉霜反疏注釋曰知周天子七廟惟祧無寢者此云五寢

寄反疏注釋曰知周天子七廟惟祧無寢者此云五寢

引詩云寢廟繹繹者欲見前廟後寢故云相連之貌也

按爾雅釋宮云有東西廂曰廟無曰寢寢廟大况是同

有廂無廂為異耳必須寢者祭在廟薦在寢故立之也

按昭十八年鄭災簡兵大蒐子大叔之廟在道南其寢

在道北者彼廟不在宮中地隘故廟寢別處也云汜埽

曰埽埽席前曰拚者謂埽地遠近之異名又取論語者

所以證經埽洒之事也五寢既隸僕祭祀修寢注於廟

埽除其廟按守祧注皆宗伯埽除

祭祀修寢注於廟

祭寢或有事焉月令凡新物先薦寢廟疏注釋曰祭祀則在廟可知

復云修寢者寢或有事不可不修治之也引月令薦寢

廟者欲見寢有事彼薦只在寢不在廟連廟言者欲見

是廟之寢非生王行洗乘石注鄭司農云乘石王所登

人之寢故也

上車之石也詩云有扁斯石履之卑兮謂上車所登之

石音義

乘如字劉常烝反上時掌反下同扁邊典反

疏

注釋曰引詩者是小雅刺幽王之詩言申

后乘車履石與王同故王有扁斯石履之卑兮謂履之上車與王同故黜之也掌蹕宮中之事

注宮中有事則蹕鄭司農云蹕謂止行者清道若今時

做蹕音義

蹕音畢做字又作警音景

疏

注釋曰宮中須警備故有蹕宮中之事

大喪復

于小寢大寢注小寢高祖以下廟之寢也始祖曰大寢

疏注釋曰以隸僕職卑位小故使之復於寢也以其高祖已上廟稱小始祖廟稱大故寢亦隨廟為稱也

周禮注疏卷三十一



周禮注疏卷三十一考證

司士孤卿特揖疏云王揖之皆逡遁者約鄉黨而知○

臣紱

按鄉黨無此文考大射禮公降一等揖賓賓辟注云逡遁不敢當盛疑鄉黨是大射之訛

方相氏及墓疏木石之怪夔罔兩○木石訛土今據國語文改正

大僕以待達窮者與遽令聞鼓聲則速逆御僕與御庶子疏故云聞鼓聲則速逆御庶子也○速逆下脫御

僕二字

救日月亦如之疏惟四月正陽之月乃擊鼓彼四月不  
合擊鼓之月○下四月上應有非字

王射則贊弓矢疏小臣授矢於公○授監本訛作受今  
据大射儀改正

周禮注疏卷三十一考證